



18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44

古 140  
564.1  
2





金石錄卷第九

目錄九

唐

第一千六百一 唐工部尚書辛京杲碑

李諫撰韓秀榮八分書貞元六

年七月

第一千六百二 唐大聖真身舍利塔銘

吳通微撰并正書貞元六年

第一千六百三 唐仙巖四瀑布詩

路應等唱和行書貞元七年三月

第一千六百四 唐秋日登戲馬臺詩

侯莫陳遂等正書無姓名貞元七年

六月

第一千六百五 唐安國寺大德律師塔銘

徐峴撰并正書貞元七年



十月

第一千六百六唐無量壽經沙門法昭行書在遺教經陰貞元八年八月

第一千六百七唐登封脩縣記劉深撰徐頊正書貞元八年八月

第一千六百八唐姜嫄公劉廟碑高郢撰張誼行書貞元九年四月

第一千六百九唐鄭叔清碑于翰撰韓秀榮八分書貞元九年七月

第一千六百十唐左僕射韋安石碑賈至撰孫元行書貞元九年八月

第一千六百十一唐澤潞李抱真德政碑上董晉撰班宏正書貞元九年

元九年

第一千六百十二唐李抱真德政碑下

第一千六百十三唐李抱真碑陰上行書貞元九年九月

第一千六百十四唐李抱真碑陰下

第一千六百十五唐新鸛鵲樓記陳翊撰正書無姓名貞元九年十一月

第一千六百十六唐茶山詩并詩述詩述于頔撰詩袁高撰徐璿正書

第一千六百十七唐詩述碑陰記李吉甫撰徐璿正書貞元十年正月

第一千六百十八唐長安尉王之咸碑于邵撰韓秀榮八分書貞元十年正月

年正月

第一千六百十九唐濟遠寺功德碑郭邕撰劉雲行書貞元十年二月

第一千六百二十唐邱公夫人虞氏石表碑梁肅撰黎燧正書貞元十年十月

元十年十月案葉本作石表銘

第一千六百二十一唐徑山大覺師碑王穎撰王偁正書貞元十年十月

金石錄 卷九  
一月案錢本王顏撰

第一千六百二十二唐軒轅鑄鼎原碑  
王顏撰袁滋篆書貞元十一年

正月

第一千六百二十三唐兵部郎中韋暄墓誌  
宇文邈撰正書無姓

名貞元十一年二月

第一千六百二十四唐菩薩戒石壇記  
長爪請問經附沙門大觀述屈

賁正書貞元十一年二月

第一千六百二十五唐會善寺戒壇記  
陸長源撰陸郢書貞元十一年

七月案金石文字記陸郢八分書并篆額一本元有八分字

第一千六百二十六唐崔淙謝廣利方表  
行書貞元十二年五月

第一千六百二十七唐忠武公將佐略上  
陳翊撰胡証八分書貞元十二年六月

第一千六百二十八唐忠武公將佐略下

第一千六百二十九唐幽州復舜廟頌  
韋稔撰顏頤正書并篆貞元十二年閏八月

第一千六百三十唐劉居簡歸鄉拜高廟詩  
正書貞元十二年十月

第一千六百三十一唐漢陽王張柬之碑  
李邕撰瞿令聞八分書貞元十二年十一月

第一千六百三十二唐顧少連張式嵩山聯句  
正書貞元十二年

金石錄 卷九 三 雅雨堂

年十二月

第一千六百三十三唐相國趙憬碑

權德輿撰歸登八分書李騰篆貞元

十三年五月

第一千六百三十四唐鹽池靈應公神祠碑

崔敖撰韋縱正書貞

元十三年八月

第一千六百三十五唐濟瀆廟祭器銘

張洗撰八分書無姓名貞元十

三年案張洗字濯纓為濟源令別本作張洪非也

第一千六百三十六唐王陰二真君碑

李吉甫撰儲伯陽行書貞元十

四年正月

第一千六百三十七唐李吉甫神女祠詩

正書貞元十四年正月

第一千六百三十八唐澄城令鄭君德政碑

陳京撰鄭雲逵行書

貞元十四年正月

第一千六百三十九唐蜀守李公碑

韋行儉撰王綸行書貞元十四年七

月

第一千六百四十唐任要謁夫子廟詩

正書貞元十四年十二月

第一千六百四十一唐政刑箴

德宗撰八分書無姓名貞元十四年十二月案

一作政行箴

第一千六百四十二唐少林寺廚庫記

顧少連撰崔旣正書

第一千六百四十三唐送張建封還鎮詩

德宗撰太子誦行書

第一千六百四十四唐馬實墓誌

歐陽詹撰正書無姓名上三碑皆貞元十

四年

第一千六百四十五

缺案跋尾有唐義興縣重脩茶舍記其次序正當在此疑所缺者卽

是也

第一千六百四十六唐彭王傅徐浩碑

張式撰次子現正書貞元十五

五年十一月案本作彭正傅何氏改

第一千六百四十七唐昭義軍節度使王虔休碑

撰人姓名

殘缺徐現正書貞元十六年四月

第一千六百四十八唐白楊新廟碑

令狐楚撰鄭造正書貞元十六年七

月

第一千六百四十九唐四皓舊隱圖畫文

韋渠牟撰竇羣正書貞元

十六年七月

第一千六百五十李說碑

鄭儋撰柳公權正書貞元十六年十月卒文宗朝追建

第一千六百五十一唐韋渠牟步虛詞

正書貞元十六年十二月

第一千六百五十二唐同州刺史崔淙遺愛碑

楊憑撰韋縱正

書

第一千六百五十三唐重脩金銅普賢菩薩像記

韋臯撰并

行書貞元十七年十一月

第一千六百五十四唐段文昌與房式往還書

正書貞元十七

年十一月

第一千六百五十五唐惠昕大師碑

齊推撰正書姓名殘缺貞元十七年

第一千六百五十六唐焦魃碑從弟郁撰朱獻任行書貞元十八年七月

第一千六百五十七唐廬州刺史羅公德政碑楊憑撰徐璠正書并篆貞元十九年四月

書并篆貞元十九年四月

第一千六百五十八唐鸚鵡舍利塔記韋臯撰并行書貞元十九年八月

第一千六百五十九唐黃州長史楊公墓誌孫詔撰荀穎正書貞元十九年八月

元十九年八月

第一千六百六十唐凌雲寺石像記一韋臯撰張綽行書貞元十九年

十月

第一千六百六十一唐凌雲寺石像記二

第一千六百六十二唐凌雲寺石像記三

第一千六百六十三唐凌雲寺石像記四

第一千六百六十四唐凌雲寺石像記五

第一千六百六十五唐舉廢功述王仲舒撰韋固正書貞元二十年八月

第一千六百六十六唐摠悟上人林下集序石洪撰正書貞元二十年十二月

十年十二月

第一千六百六十七唐韋臯紀功德碑上德宗撰太子誦正書貞元二十年十二月

二十年十二月

第一千六百六十八唐韋臯紀功德碑下

第一千六百六十九唐楚金禪師碑沙門飛錫撰吳通微行書貞元二十年

一年七月案金石文字記云正書

第一千六百七十唐送李愿歸盤谷序

韓愈撰正書無姓名貞元中刻

石案金石文字記云其未記貞元辛酉歲建丑月渤海高從口書

第一千六百七十一唐萬州刺史苗拯碑

張粲撰王山從八分書苗

端題額順宗承貞元年十二月

第一千六百七十二唐晉祠新松記

令狐楚撰顏顥正書憲宗元和元年

三月

第一千六百七十三唐顧少連諡議

正書無姓名元和元年五月

第一千六百七十四唐安邑縣新亭記

劉師老撰李銑正書元和元年

閏六月

第一千六百七十五唐歙州刺史盧瑗碑

裴度撰裴璘正書元和元年

年

第一千六百七十六唐顏杲卿碑上

真卿撰盧佐元正書元和元年十月

第一千六百七十七唐顏杲卿碑下

第一千六百七十八唐東渭橋河運院記

席夔撰韓瑗八分書元和二年五月

二年五月

第一千六百七十九唐乘廣禪師碑

劉禹錫撰并正書元和二年五月

第一千六百八十唐武寧軍大將軍新廳記

張仲素撰崔縉正書

元和二年七月

第一千六百八十一唐大誓禪師碑

張和靖撰八分書姓名殘缺元和二年



年七月案書畫譜作張弘靖當是也又下虞頊作盧頊瞿參作翟參

第一千六百八十二唐禱聰明山記虞頊撰正書元和二年七月

第一千六百八十三唐二聖金剛碑瞿參撰并八分書篆額元和三年正月

月

第一千六百八十四唐立漢高祖頌晉陸機撰王適篆書元和三年七月

第一千六百八十五唐虞城縣令長新戒王適篆書

第一千六百八十六唐左拾遺竇叔向碑羊士諤撰竇公直正書元

和三年十月

第一千六百八十七唐新開常熟塘記劉允文撰劉苑正書元和四年

二月

第一千六百八十八唐韓退之題名正書元和四年閏三月

第一千六百八十九唐國子助教薛公達墓誌韓愈撰正書無

姓名元和四年閏三月

第一千六百九十唐游琅邪山新寺詩柳遂正書無年

四年四月題名附

第一千六百九十一唐國子司業辛璿碑姪宗撰正書無姓名胡季

良篆元和四年五月

第一千六百九十二唐虞城令李公去思頌李白撰王適篆書元

和四年六月

第一千六百九十三唐徐州使院石柱記劉公輿撰盧自烈八分書

雅雨堂

元和四年十月

第一千六百九十四唐京河新開水門記韋處厚撰唐衢八分書元

和五年正月

第一千六百九十五唐贈吏部尚書武就碑權德輿撰鄭餘慶正

書元和五年二月

第一千六百九十六唐圮上圖贊李德裕撰齊推正書元和五年三月

第一千六百九十七唐相國賈耽碑鄭餘慶撰并正書元和五年五月案

一本次第與上互易

第一千六百九十八唐杜岐公郊居記權德輿撰正書無姓名元和五

年八月

第一千六百九十九唐杜岐公莊居記佑自撰沈傳師正書元和五年

十月

第一千七百唐明皇送李邕赴滑州詩柏元封行書元和五年十月

第一千七百一唐題巫山詩蔡穆撰沈幼真行書元和五年十二月

第一千七百二唐成紀王祭北嶽碑李穆撰令狐靖正書

第一千七百三唐彌陀和尚碑柳宗元撰并正書上兩碑竝元和五年

第一千七百四唐魏博田緒遺愛碑上裴均撰張弘靖正書元和六年

四月

第一千七百五唐田緒遺愛碑下

第一千七百六唐烏承玘碑上許孟容撰胡証八分書并篆元和七年正月

第一千七百七唐烏承玘碑下

第一千七百八唐左常侍路公碑 韓愈撰鄭餘慶正書元和七年十月

第一千七百九唐右僕射裴耀卿碑 許孟容撰歸登八分書并篆元和七年十一月

第一千七百十唐尚書省新脩記 許孟容撰鄭餘慶正書袁滋篆元和八年正月

第一千七百十一唐尚書省石幢記 胡証撰并八分書元和八年二月

第一千七百十二唐華州新廳堂記 吳丹撰并正書元和八年二月

第一千七百十三唐華州後閣記 李正辭撰并正書元和八年三月

第一千七百十四唐靈珍禪師塔銘 徐現撰并正書元和八年八月

第一千七百十五唐襄州樊城公遺愛碑上 李絳撰鄭餘慶正書元和八年十二月

第一千七百十六唐樊城公遺愛碑下

第一千七百十七唐劉統軍碑 韓愈撰歸登八分書

第一千七百十八唐田弘正家廟碑 韓愈撰胡証八分書上兩碑皆元和八年

第一千七百十九唐會善寺誌 王凝撰并行書元和九年八月

第一千七百二十唐濟亭記 李蟠述裴璘正書鄭冠篆元和九年十月

第一千七百二十一唐興元節度使裴玢碑 裴度撰劉遵古行書元和九年十一月

第一千七百二十二唐智浩律師碑 段文昌撰蕭延慶正書元和九年十月

第一千七百二十三唐紫玉山禪師碑 李承翟撰屈師穆書元和九年

第一千七百二十四唐建鎮南碣記 孟簡撰陳構正書元和十年十月

第一千七百二十五唐胥山銘 孟元輔撰王適正書元和十年十一月

第一千七百二十六唐孔子弟子贊 明皇與宋璟等撰元和十年十二月

第一千七百二十七唐太子賓客孔述睿碑 鄭綱撰鄭餘慶書元和

和十一年六月

第一千七百二十八唐經禹廟詩 庾肩吾撰孟簡立行書無姓名元和十一

年八月

第一千七百二十九唐無量寺多寶塔記 裴度撰王凝正書元和十

二年二月

第一千七百三十唐贈司空于真碑 張躬撰劉伯芻八分書元和十二年

六月

第一千七百三十一唐太府寺丞李泳墓誌 令狐楚撰段企緯行

書元和十二年十二月

第一千七百三十二唐崔融題東林寺詩 正書無姓名元和十三年

二月重刻

第一千七百三十三唐左常侍李衆碑 李絳撰裴璘正書元和十三年

十二月

第一千七百三十四唐上弘和尚塔碑

白居易撰李克恭正書元和十

三年

第一千七百三十五唐大聖舍利塔銘

張仲素撰沈傳師正書元和十

四年二月

第一千七百三十六唐陽翟縣令壁記

許堯佐撰吳宗冉正書元和十

四年五月

第一千七百三十七唐元浩和尚靈塔碑

崔恭撰并正書元和十四

年十一月

第一千七百三十八唐平淮西碑

段文昌撰陸邛八分書元和十四年十二月

第一千七百三十九唐鄆州刺史廳記

馬總撰八分書無姓名元和十

四年十二月

第一千七百四十唐左常侍薛苹碑

孟簡撰柳公權正書元和十五年閏

正月

第一千七百四十一唐感化詩

竇牟撰正書無姓名元和十五年三月

第一千七百四十二唐太子賓客呂元膺碑

李絳撰裴璘正書元

和十五年七月

第一千七百四十三唐太子少保田公碑

李宗閔撰篆書姓名殘缺

元和十五年九月

第一千七百四十四唐土洲記

段文昌撰王元同正書元和十五年十一月

第一千七百四十五唐張中丞許使君南特進廟碑韋臧

孫撰趙晏正書

第一千七百四十六唐南海神廟碑韓愈撰陳諫正書

五年案金石文字記載此碑十五年十月

第一千七百四十七唐昭義軍節度使辛祕碑牛僧孺撰陳諫

正書

第一千七百四十八唐王處士引瀑泉記武少微撰正書無姓名上

兩碑皆元和中立案舊作武少儀何氏改

第一千七百四十九唐羅池廟碑韓愈撰沈傳師正書

長慶元年正月

第一千七百五十唐黃陵廟碑韓愈撰沈傳師正書長

慶元年

月

第一千七百五十二唐律大德湊公塔銘白居易撰僧雲臯正書長

慶二年閏十月

第一千七百五十三唐心經寶鞏正書長慶二年十一月

元和非也今從錢本

第一千七百五十四唐明州南樓詩陳右撰胡師模八

二月

第一千七百五十五唐谿堂詩韓愈撰牛僧孺正書

第一千七百五十六唐贈太保李良臣碑李宗閔撰楊正書上兩

碑皆長慶二年案楊正是人姓名別本正字不重乃誤脫何氏焯云今此碑尚在太原斷而為二

第一千七百五十七唐題怪石詩世傳李德裕作長慶三年二月

第一千七百五十八唐平盧薛公紀績碑柏元封撰八分書長慶三年

年三月

第一千七百五十九唐題東林寺影堂碑陰李渤撰僧雲臯正書

長慶三年二月

第一千七百六十唐少府監胡珣碑韓愈撰胡証八分書長慶三年四月

第一千七百六十一唐絳守居園池記樊宗師撰正書無姓名長慶三年五月

年五月

第一千七百六十二唐江西使院小史記崔祐甫撰陸蔚之正書長

慶三年五月在洪州

第一千七百六十三唐贈左僕射郭公碑李宗閔撰蕭佑正書長慶

三年八月

第一千七百六十四唐柳州井銘柳宗元撰沈傳師正書長慶三年

第一千七百六十五唐大海寺玉像碑張仲方撰韓齊申八分書并篆

長慶四年正月

第一千七百六十六唐熙怡大師石墳志侯高撰僧雲臯正書長慶

四年正月

第一千七百六十七唐大覺禪師塔銘李渤撰柳公權正書胡証篆長

慶四年六月

第一千七百六十八唐銘幡竿石 竇鞏撰并正書長慶四年十月

第一千七百六十九唐相里友諒墓誌 撰人姓名缺王元弼正書長慶

四年十二月

第一千七百七十唐澱州刺史高德政碑 王起撰裴璘正書長

慶中立

第一千七百七十一唐脩浯溪記 韋詞撰羅洧正書寶歷元年五月

第一千七百七十二唐紫陽先生碑 李白撰柳公綽正書

第一千七百七十三唐紫陽先生碑陰 李繁撰柳公綽正書寶歷二年

三月

第一千七百七十四唐蒙泉詩 沈傳師正書寶歷二年四月宇文鼎詩太和九

年附

第一千七百七十五唐三像記 李德裕撰并八分書寶歷二年八月

第一千七百七十六唐禹穴碑 鄭魴撰序元稹銘韓特材行書寶歷二年九月

第一千七百七十七唐桂陽巖銘 李涉撰八分書無姓名寶歷中立

第一千七百七十八唐辨石鐘山記 李渤撰正書無姓名太和元年八月

第一千七百七十九唐沖虛真人廟記 劉三復撰李德裕八分書太和

元年十二月

第一千七百八十唐西平王李晟碑上 裴度撰柳公權正書太和二年

四月案金石文字記作三年

第一千七百八十一唐李晟碑下



第一千七百八十二唐烏重嗣碑上

裴度撰竇易直正書太和二年四月

第一千七百八十三唐烏重嗣碑下

武翊黃撰柳公權正書太和二年七月

月

第一千七百八十五唐清泉寺大藏經記

韓特材撰并行書劉蔚篆

太和二年九月

第一千七百八十六唐衡嶽寺大德瑗公碑

皇甫湜撰王翊正書

太和三年正月

第一千七百八十七唐薛平增脩家廟碑

馮宿撰裴潏正書李寓篆

太和三年九月

第一千七百八十八唐塔陰文

楊承和撰唐元度篆書太和三年十月

月

第一千七百八十九唐李祐墓誌

庾敬休撰王無悔八分書太和三年十一月

第一千七百九十唐裴度白居易聯句

正書無姓名太和三年十二月

第一千七百九十一唐處州孔子廟碑

韓愈撰任迪行書太和三年

第一千七百九十二唐太尉王播碑

李宗閔撰柳公權正書太和四年正月

月

第一千七百九十三唐太尉王播墓誌

牛僧孺撰柳公權正書太和四年四月

年四月

第一千七百九十四唐節堂記

劉三復撰李德裕八分書太和四年五月

第一千七百九十五唐毗禪師碑 劉軻撰僧雲臯正書太和四年七月

第一千七百九十六唐何文愆碑 王源中撰劉禹錫正書太和四年八月

第一千七百九十七唐秋日望贊皇山詩 李德裕撰并書太和八年

第一千七百九十八唐侯仲莊碑 杜黃裳撰崔元畧正書太和四年閏十一月

第一千七百九十九唐桃源詩 劉禹錫撰李某書名缺太和四年

第一千八百唐將作監韋文恪墓誌 庾敬休撰柳公權正書太和五年二月

金石錄卷第九

金石錄卷第十

目錄十

唐 五代 國朝

第一千八百一唐天平軍節度使廳記 劉禹錫撰沙門有璘八分書太和五年四月

第一千八百二唐小洞庭五太守讌集記 蘇源明撰後序令狐楚撰太和五年七月

第一千八百三唐白居易游濟源詩 正書太和五年九月馮宿詩附

第一千八百四唐太清宮鐘銘 馮宿撰柳公權正書太和五年十二月

第一千八百五唐令狐公先廟碑 劉禹錫撰并正書太和五年

第一千八百六唐殿中侍御史韋翊墓誌

劉禹錫撰裴休正書太和

六年正月

第一千八百七唐六譯金剛經上

唐元度集王右軍書太和六年春

第一千八百八唐六譯金剛經下

第一千八百九唐襄州文宣王廟記

裴度撰崔倬正書盧弘宣篆太和六年四月

年四月

第一千八百十唐義成李德裕德政碑上

賈餗撰歸融八分書太和

六年八月

第一千八百十一唐李德裕德政碑中

第一千八百十二唐李德裕德政碑下

第一千八百十三唐游王屋詩

白居易撰正書太和六年十月

第一千八百十四唐四望亭記

李紳撰正書無姓名太和七年二月

第一千八百十五唐李紳法華寺詩

正書太和七年三月

第一千八百十六唐散騎常侍張昔墓誌

馮宿撰正書無姓名太和

七年四月

第一千八百十七唐昇元劉先生碑

馮宿撰柳公權正書太和七年四月

第一千八百十八唐沈傳師攝山題名

正書太和七年六月

第一千八百十九唐太倉箴

李商隱撰行書無姓名太和七年十月

第一千八百二十唐育王山常住田碑

萬齊融撰范的行書太和七年

十二月案育王山當作育王寺潘氏表云正書在今

鄞縣

第一千八百二十一唐義陽郡王苻璘碑 題中書侍郎同平章事李

宗閱撰宗閱太和七年為此官柳公權正書

第一千八百二十二唐脩龍宮寺碑 李紳撰行書無姓名太和九年四月

第一千八百二十三唐春城院佛殿記 劉慥撰鄭師仁八分書太和九年五月

年五月

第一千八百二十四唐東林寺白氏文集記 白居易撰僧雲臯正

書太和九年八月

第一千八百二十五唐馬先生廟錄 盧中規撰崔植正書太和九年十一月

月

第一千八百二十六唐沈傳師墓誌 權璩撰姪堯章正書太和九年十一月

月

第一千八百二十七唐李紳題少林寺詩 正書開成元年七月

第一千八百二十八唐皇甫曙題石佛谷詩 李道夷正書開成元年十一月

年十一月

第一千八百二十九唐贈太尉王智興碑 裴度撰柳公權正書開成元年十一月

元年十一月

第一千八百三十唐文宣王新廟碑 劉禹錫撰盧僊正書開成二年三月

第一千八百三十一唐陰符經序 鄭澣撰柳公權正書丁居晦篆開成二年七月

七月

第一千八百三十二唐黃公記 李漢撰八分書無姓名開成二年十一月

第一千八百三十三唐檢校金部郎中崔禎碑 李絳撰

正書開成三年正月

第一千八百三十四唐丞相崔羣碑 裴度撰劉禹錫正書開成三年正月

第一千八百三十五唐淮南監軍韋元素碑 丁居晦撰柳公權正書開成三年七月

書開成三年七月

第一千八百三十六唐寶稱律師塔銘 劉軻撰陳去病正書開成四年七月

七月

第一千八百三十七唐淄王傅元公碑 李宗閔撰柳公權正書開成四年七月

年七月

第一千八百三十八唐白蘋洲五亭記 白居易撰馬續正書開成四年

十月

第一千八百三十九唐宣州觀察使王質碑 劉禹錫撰并正書開成四年十一月

成四年十一月

第一千八百四十唐山南西道驛路記 劉禹錫撰柳公權正書開成四年

年

第一千八百四十一唐魏博何進滔德政碑一 柳公權撰并正書開成五年正月

書開成五年正月

第一千八百四十二唐何進滔德政碑二

第一千八百四十三唐何進滔德政碑三

第一千八百四十四唐何進滔德政碑四

第一千八百四十五唐何進滔德政碑五

第一千八百四十六唐李聽碑上李石撰柳公權正書開成五年二月

第一千八百四十七唐李聽碑下

第一千八百四十八唐贈禮部尚書羅讓碑王起撰柳公權正書開成五年二月

開成五年二月

第一千八百四十九唐常侍裴恭碑盧術撰鄭還古正書開成五年四月

第一千八百五十唐沒賀舍利傳崔琦撰正書無姓名開成五年十月

第一千八百五十一唐李德裕平泉草木記開成五年

第一千八百五十二唐李德裕平泉山居詩上二碑皆李德裕八

分書

第一千八百五十三唐左真人仙堂記張虛白撰龔真子書開成五年

第一千八百五十四唐沈傳師嶽麓寺詩行書文宗時作

第一千八百五十五唐贈太尉李愔碑上李紆撰沈傳師正書文宗時立

時立

第一千八百五十六唐李愔碑下

第一千八百五十七唐新脩紫極宮記賈島撰正書無姓名武宗會昌元年五月

元年五月

第一千八百五十八唐贈太師崔陸碑劉禹錫撰柳公權正書會昌元年五月

年五月

第一千八百五十九唐大達法師碑裴休撰柳公權正書會昌元年十二月

金石錄目 卷十 五 雅雨堂

月

第一千八百六十唐宣公律院碣嚴厚本撰柳公權正書會昌元年

第一千八百六十一唐荇溪新亭記李漬撰楊紹復正書會昌二年正月

第一千八百六十二唐昊天觀碑王起撰柳公權正書會昌三年十月

第一千八百六十三唐巡幸左神策軍碑上崔鉉撰柳公權正書

會昌三年

第一千八百六十四唐巡幸左神策軍碑下

第一千八百六十五唐張弘靖祭唐叔文李德裕撰正書無姓名會

昌四年二月

第一千八百六十六唐金剛經柳公權正書會昌四年四月

第一千八百六十七唐蔚州刺史馬紆墓誌楊倕撰正書無姓名

會昌四年七月

第一千八百六十八唐贈太子少保高重碑姪元裕撰柳公權正書會昌四年十月

書會昌四年十月

第一千八百六十九唐李貽孫神女廟詩正書無姓名會昌五年九月

月

第一千八百七十唐脩文宣王廟記裴坦撰盧匡書會昌五年十月

第一千八百七十一唐李德裕大孤山賦篆書無姓名會昌五年

第一千八百七十二唐相國李涼公碑李德裕撰柳公權正書會昌六年

年三月

第一千八百七十三唐商於新驛記 韋琮撰柳公權正書宣宗大中元年

正月

第一千八百七十四唐山南西道節度使王起碑 李回撰柳

公權正書大中元年四月

第一千八百七十五唐呂溫祭舜廟文 裴昇之正書大中元年五月

第一千八百七十六唐牛僧孺碑 李珣撰柳公權正書大中二年十月

第一千八百七十七唐太子太傅劉沔碑 韓博撰柳公權正書大中

二年十二月 案舊作韋博撰

第一千八百七十八唐淮陽太守李公廟記 李謙撰慕容鎬正書

大中三年三月

第一千八百七十九唐般若心經 徐璋撰大中三年五月

第一千八百八十唐普光王寺碑 李邕撰柳公權正書

第一千八百八十一唐潁亭記 陳寬撰正書無姓名上兩碑皆大中四年

第一千八百八十二唐醉吟先生傳并墓誌 白居易自撰碑李

商隱撰譚邠正書大中五年四月

第一千八百八十三唐贈太尉李固言碑 李珣撰三從姪儔正書大

中六年二月

第一千八百八十四唐幽州納降軍使李巖碑 正書書撰人姓

名殘缺大中六年六月

第一千八百八十五唐嶺南節度使韋正貫碑 蕭鄴撰柳公權

雅雨堂



正書大中六年七月

第一千八百八十六唐魏公暮先廟碑

崔絢撰柳公權正書大中六年

十一月

第一千八百八十七唐河東監軍康約言碑

柳公權撰并正書大

中七年十二月

第一千八百八十八唐蕭穎士庭莎賦

正書無姓名大中七年十月

第一千八百八十九唐吏部尚書高元裕碑

蕭鄴撰柳公權正書

大中七年七月

第一千八百九十唐四證臺記

李商隱撰正書無姓名大中七年十一月案舊

作四證堂碑

第一千八百九十一唐司徒薛平碑

李宗閔撰柳公權正書

第一千八百九十二唐觀音院記

段成式撰柳公權正書

第一千八百九十三唐起居郎劉君碑

劉三復撰柳公權正書上三碑

皆大中七年

第一千八百九十四唐元魯山琴臺記

宋整撰正書無姓名大中八年

正月

第一千八百九十五唐姚勗復真記

自撰正書無姓名大中八年三月案

謝本脫姚字

第一千八百九十六唐陳杲仁告身夫人捨宅疏序

俞珣

述并書大中八年五月

第一千八百九十七唐重陽亭銘 李商隱撰正書無姓名大中八年九月

第一千八百九十八唐大覺禪師碑 李吉甫撰蕭起正書大中八年十二月

月

第一千八百九十九唐淮南節度使崔從碑 蔣伸撰柳公權正書

大中八年

第一千九百唐圭峯禪師碑 裴休撰并正書大中九年正月 案金石文字記云柳

公權篆額又正月作十月

第一千九百一唐大覺禪師碑 邱丹撰蕭起行書大中九年五月

第一千九百二唐勸農勅 正書無姓名大中十年五月

第一千九百三唐陽翟縣水亭記 魏庾撰并正書大中十年五月

第一千九百四唐興唐寺記 撰人姓名殘缺李袞正書大中十年

第一千九百五唐杜佑莊居記 佑自撰孫愉重立李袞正書大中十年

第一千九百六唐復東林寺碑 崔黯撰柳公權正書大中十一年四月

第一千九百七唐南瀆廣源公碑 李景讓撰蓋巨源八分書大中十一年正月

月

第一千九百八唐楊滌妻張氏墓誌 滌自撰并正書行書銘大中十三年

五月

第一千九百九唐西明寺金剛經 柳公權正書大中十三年六月

第一千九百十唐兵部尚書盧綸碑 盧言撰崔倬正書大中十三年七月

第一千九百十一唐定州文宣王廟記 盧肇撰并正書大中十三年八月

第一千九百十二唐儒宮碑

沈佐黃撰杜英正書并篆大中十三年八月

第一千九百十三唐萬石君廟記

石晏撰王藩行書并篆大中十三年十一月

第一千九百十四唐義昌軍節度使杜中立碑

裴坦撰杜宣猷

正書大中十四年八月

第一千九百十五唐禮部尚書許康佐碑

書撰人姓名殘缺

第一千九百十六唐崇聖寺佛牙碑

孫朴撰王平君行書上三碑皆大中

立

第一千九百十七唐司空扶風公寫真記

李澄撰蓋巨源書懿宗咸

通元年十一月

第一千九百十八唐令狐楚登白樓賦

令狐澄書咸通二年三月

第一千九百十九唐六譯金剛經

蓋巨源八分書咸通四年六月

第一千九百二十唐尊勝陀羅尼經

于僧翰八分書咸通五年

第一千九百二十一唐潘谿記

杜宣猷撰正書無姓名咸通八年十月

第一千九百二十二唐鄭薰雪霽開講詩

正書無姓名咸通九年九月

第一千九百二十三唐兵部尚書王承業墓誌

鄭言撰柳仲年

正書咸通十年二月

第一千九百二十四唐贈司空孔岑父碑

鄭綱撰柳知微正書咸通

十一年正月

第一千九百二十五唐同昌公主碑

韋保衡撰柳仲年正書咸通十一年

二月

第一千九百二十六唐宿惠山寺詩

王武陵朱宿竇羣正書咸通十二年

七月

第一千九百二十七唐脩繁城廟記

曹分撰篆書無姓名咸通十二年九月

月

第一千九百二十八唐鄭畋謁昇仙太子廟詩

正書無姓名僖

宗乾符四年四月

第一千九百二十九唐李商隱佛頌

吳華篆書廣明元年十月

第一千九百三十唐昭覺寺碑

蕭邁撰劉崇龜正書中和五年正月

第一千九百三十一唐安昌寺碑

周庾信撰令狐渙重書昭宗乾寧元年十一月

一月

第一千九百三十二唐瘞鶴銘

華陽真逸撰行書無姓名無時代歲月案此梁

陶弘景書

第一千九百三十三唐千字文

世傳智永書

第一千九百三十四唐冬日陪羣公泛舟詩

謫丹陽功曹掾王某

名缺行書無年月

第一千九百三十五唐金字般若碑

正書無姓名

第一千九百三十六唐柘城令李公德政頌

封利建撰魏崇行書

第一千九百三十七唐立郭林宗碑 行書無姓名

第一千九百三十八唐郭林宗碑陰

第一千九百三十九唐草堂寺報願碑 宋詹文崩敬宗正書

第一千九百四十唐寂照寺雙浮圖碑 單江撰八分書

第一千九百四十一唐孟浩然碣 樊澤撰正書無姓名

第一千九百四十二唐李氏窳尊銘 篆書無姓名

第一千九百四十三唐題阮客舊居詩 篆書無姓名

第一千九百四十四唐椒陵陂詩 韋瓘撰正書

第一千九百四十五唐金剛經上 正書無姓名

第一千九百四十六唐金剛經下

第一千九百四十七唐心經 正書無姓名

第一千九百四十八唐遺教經 正書無姓名

第一千九百四十九唐玉藥詩倡和 沈傳師李德裕正書無姓名

第一千九百五十唐大智禪師碑 正書書撰人姓名殘缺

第一千九百五十一唐通神寺鳳陽門銘 八分書無書撰人姓名

第一千九百五十二唐尊勝幢贊 韓拯文鄔員行書

第一千九百五十三唐楊公史傳記 行書無姓名

第一千九百五十四唐唐元度十體書

第一千九百五十五唐教戒經 正書無姓名

第一千九百五十六唐中書舍人王無競碑 姚洵撰行書無姓名

第一千九百五十七唐梵網經上 正書無姓名

第一千九百五十八唐梵網經下

第一千九百五十九唐無名碑 正書無書撰人姓名

第一千九百六十唐夏日登戲馬臺詩 鄭遂文盧僎撰八分書無姓名

第一千九百六十一唐楠木歌 嚴武撰史俊行書

第一千九百六十二唐郝昂光福寺詩 行書無姓名

第一千九百六十三唐嚴武題龍日寺西龕石壁詩 行書無姓名

無姓名

第一千九百六十四唐白居易與劉禹錫書 行書

第一千九百六十五唐立王右軍祠堂記 王師乾撰正書無姓名

第一千九百六十六唐知制誥郭慎微碑 姪洵撰八分書姓名殘缺

京兆金石錄云顧誠奢書

第一千九百六十七唐皇甫湜浯溪詩

第一千九百六十八唐沙門湛然題井陘山壁詩 正書無姓名

名

第一千九百六十九唐吳興太守歷官記 正書無姓名

第一千九百七十唐李幼卿題瑯琊山詩 八分書無姓名柳遂皇甫

智詩附

第一千九百七十一唐李陽冰琴銘

第一千九百七十二唐冰清琴銘

第一千九百七十三唐齊州刺史封公德政碑 李迥秀撰李思

惲行書

第一千九百七十四唐玄宗皇帝道德銘 李華撰張敬仙書

第一千九百七十五唐然燈經 正書無姓名已上諸碑皆無年月或殘缺

第一千九百七十六唐華嶽題名一

第一千九百七十七唐華嶽題名二

第一千九百七十八唐華嶽題名三

第一千九百七十九唐華嶽題名四

第一千九百八十唐華嶽題名五

第一千九百八十一唐泰山石闕題名上

第一千九百八十二唐泰山石闕題名下

第一千九百八十三唐老子廟石闕題名上

第一千九百八十四唐老子廟石闕題名下

第一千九百八十五後唐汾陽王真堂記 李祝撰李鄂正書末帝清

泰三年八月

第一千九百八十六晉楊凝式書上

第一千九百八十七晉楊凝式書中

第一千九百八十八晉楊凝式書下

第一千九百八十九漢大藏經旨序 郭忠恕撰并篆袁正已正書乾祐元

年四月

第一千九百九十漢重脩高祖廟碑

趙穎撰郭忠恕八分書乾祐二年

第一千九百九十一漢說文字源

郭忠恕篆并正書乾祐三年七月

第一千九百九十二南唐喬公亭記

徐鉉撰并篆書李璟保大十三年四月

月

第一千九百九十三許真人井銘

徐鉉撰并篆書

第一千九百九十四宓子賤碑

徐鉉撰并篆書

第一千九百九十五紫極宮石磬銘

徐鉉撰并篆書上三碑皆無歲月

第一千九百九十六文宣王廟記

郭忠恕撰并小篆太祖皇帝乾德元年

第一千九百九十七陰符經

郭忠恕小篆古文八分三體乾德四年四月

第一千九百九十八永安院佛殿記


劉從義撰郭忠恕篆袁正巳正書乾

德五年二月

第一千九百九十九懷嵩樓記


李德裕撰郭忠恕八分書并篆無歲月

第二千日本國誥



金石錄卷第十





金石錄卷第十一

宋東武趙明誠編著

跋尾一

三代

古器物銘第十

古鐘銘  
祖丁彝銘  
兄癸彝銘

方鼎銘

薑鼎銘

古器物銘第九

周敦銘

秦鐘銘

古器物銘第八

文王尊彝銘

宋公緜餗鼎銘

古器物銘第七

毛伯敦銘  
商雒鼎銘

楚鐘銘  
匱銘  
周姜敦銘

古器物銘第六

大夫始鼎銘  
季嬭彝銘

古器物銘第一

古鐘銘

右古鐘銘五十二字藏宗室仲爰家象形書不可盡識以其書奇古故列於諸器銘之首後又得一鐘銘文正同一鐸銘字畫亦相類皆錄於後

方鼎銘

右方鼎銘藏岐山馮氏張侍郎舜民云夏時器也字畫奇怪不可識

蠶鼎銘

右蠶鼎銘藏祕閣銘一字象蠶形呂氏考古圖云即古

文蠶字

祖丁彝銘

右祖丁彝銘藏蔡肇天啓舍人家呂氏考古圖載李氏錄云祖丁者商之十四世帝祖丁也余案夏商時人淳質皆以甲乙為號今世人所藏彝器銘文如此類其衆未必帝祖丁也李氏名公麟字伯時父有古器圖一卷行於世云

古器物銘第二

兄癸彝銘

右兄癸彝銘藏穎昌韓氏蓋底皆有銘凡商器款識多

者不過數字而此器獨二十餘字尤為奇古

古器物銘第四案別本於此上添寫古器物銘第一條者誤也其所藏金石刻甚

多豈皆有跋乎

### 甗銘

右甗銘案真宗皇帝實錄咸平三年乾州獻古銅鼎狀

方而有四足案謝本無有字上有古文二十一字詔儒臣考正

而句中正杜鎬驗其款識以為史信父甗中正引說文

甗甗也又引墨子夏后鑄鼎四足而方春秋傳晉侯賜

子產二方鼎云此其類也余嘗見今世人家所藏古甗

形製皆圓而此器其下正方故中正等疑為方鼎之類

然方鼎與甗自是兩器名今遂以為一物非也楊南仲曰史當

讀為中音仲

### 秦鐘銘

右秦鐘銘云丕顯朕皇祖受天命奄有下國十有二公

歐陽文忠公集古錄以為太史公史記於秦本紀云襄

公始列為諸侯而諸侯年表則以秦仲為始今據年表

始秦仲則至康公為十二公此鐘為莊公時作也案莊當作

共各本俱訛據本紀自襄公為始則桓公為十二公而銘鐘者

為景公也余案秦本紀自非子為周附庸邑於秦至秦

仲始為大夫仲死子莊公伐破西戎於是予之案予之當從史

記作復子秦仲後及其先大駱地犬邱并有之為西垂大夫莊  
 公卒子襄公代立犬戎之難襄公有功周室於是平王  
 始封襄公為諸侯賜之岐以西之地曰戎無道侵奪我  
 岐豐之地秦能攻逐戎即有其地與誓封爵之襄公於  
 是始國與諸侯通使聘享之禮而詩美襄公亦以能取  
 周地始為諸侯受顯服蓋秦仲初未嘗稱公莊公雖追  
 稱公然猶為西垂大夫未立國至襄公始國為諸侯矣  
 則銘所謂奄有下國十有二公者當自襄公為始然則  
 銘斯鐘者其景公歟

周敦銘

右周敦而下器銘五皆藏御府初皇祐間修大樂有旨  
 付有司攷其聲律製度而模其銘文以賜公卿楊南仲  
 為圖刻石者也然其器尋歸禁中故模本世間絕難得  
 余所藏公私古器款識略盡蓋獨闕此求之久而不獲  
 有董之明子止者家藏古今石刻甚富適有此銘因以  
 遺余之明云即皇祐賜本也

古器物銘第五

文王尊彝銘

右文王尊彝銘紹聖間宗室仲忽獲此器以獻有旨下  
 祕閣考驗而館中諸人皆以為後世詐偽之物不當進

於御府於是仲忽坐罰金然其器猶藏祕閣初仲忽以器銘上一字與小篆鹵字相類遂讀為魯因以文王為周之文王由此魯公伯禽享文王廟器也其言頗近乎夸故當時疑以為偽然茲器製作精妙文字奇古決非偽物識者當能辨之惟遂以為魯公器者初無所據爾

宋公繚餗鼎銘

右宋公繚餗鼎銘元祐間得於南都藏祕閣底蓋皆有銘按史記世家宋公無名繚者莫知其為何人也

寶甌鐘銘

右寶甌鐘銘藏太常凡四鐘款識竝同初景祐間李照脩雅樂所鑄鐘其形皆圓與古製頗異時又別詔胡瑗自以管法製鐘磬會官帑中獲此鐘其形如鈴而不圓馮元等按其款識以為漢魏時器於是令瑗倣其狀作新鐘一縣十六枚然不獲奏御但藏諸樂府而已今按此銘文字皆古文為周以前所作無疑而元以為漢魏時器蓋失之矣

楚鐘銘

右楚鐘銘政和三年獲於鄂州嘉魚縣以獻字畫奇怪

友人王壽卿魯翁得其墨本見遺銘文云楚公

下一字不可識

必其名也自作按楚自周成王時封熊繹以子男田居楚至

熊渠乃立其三子為王後復去其王號至熊通始自立為楚武王則是楚未嘗稱公不知此鐘為何人作也

古器物銘第六

毛伯敦銘

右毛伯敦銘凡四其一惟蓋存藏劉原父家其一底蓋具藏京兆孫氏其一不知所從得銘文皆同原父釋足下一字為鄭案謝本足誤作祝遂以為司馬遷史記所載毛叔鄭器曰武王克商尚父牽牲毛叔鄭奉明水銘稱伯者爵也史稱叔者字也敦乃文武時器也今究其點畫殊不類鄭字而呂氏考古圖釋為邾皆莫可考

簠銘

右簠銘本兩器底蓋皆有銘文悉同其一原父以遺歐陽公案集古錄以中上一字為張字引詩六月篇侯誰在矣張仲孝友曰此周宣王時張仲器也呂大臨考古圖以偏傍推之其字從巨不從長以隸字釋之當為鉅案黃鉅字雖見玉篇然古文與隸書多不合未知果是否

長睿東觀餘論云鉅其勿反非張字

匱銘

右匱銘劉原父既以前一簠為張仲所作又以此匱為張伯器曰仲之兄也尤無所據原父於是正之學號稱

精博惟以意推之故不能無失爾

商維鼎銘

右鼎銘劉原父得於商維銘云維十有四月蔡君謨嘗問原父十有四月者何原父不能對呂氏考古圖云古器銘多有是語或云十三月或云十九月疑人君卽位居喪踰年未改元故以月數余常考之古人君卽位明年稱元年蓋無踰年不改元之事又余所藏牧敦銘有云惟王十年十有三月以此知呂氏之說非是蓋古語有不可曉者闕之可也

周姜敦銘

右周姜敦銘本二器其一原父以遺歐陽公伯下一字集古錄讀爲回曰此書所載伯回穆王時人也而呂氏考古圖訓作百皆未詳案書畫譜作考古圖訓作首

古器物銘第七

大夫始鼎銘

右大夫始鼎銘案說文對字本從口漢文帝以爲責對而爲言多非誠對故去其口以從士今驗茲鼎銘及周以後諸器款識對字最多皆無從口者然則古文大篆固已不從口矣又疑李斯變古法作小篆對字始從口至文帝復改之耳然書傳不載未敢遂以爲然也

季嬭彝銘

右季嬭彝銘藏洛陽趙氏銘字畫與大篆小異蓋古文也當是周初接商時器余徧閱商周諸器銘所謂古文者大率如此而唐人所書皆別作一體筆畫疎瘦與彝鼎間字絕異雖李陽冰亦為之不知何所依據余以謂學古文當以彝鼎間字為法

案葉本以謂下多學者二字

金石錄卷第十一

金石錄卷第十二

跋尾二

三代 秦 漢

古器物銘第八

父丙彝銘 宋君夫人鼎銘

古器物銘第九

敦銘 宋穆公孫盤銘 散季敦銘

古器物銘第十

井伯敦銘

古器物銘第十一

鼎銘

古器物銘第十二

楚鐘銘 中姑匜銘 車敦銘

古器物銘第十三

齊侯盤銘

古器物銘第十四

秦權銘 汾陰侯鼎銘 銅釜銘  
武安侯器銘 周陽家鐘銘



上林供官銅鼎銘 平周金銅鉦銘

古器物銘第十五

谷口銅甬銘 律管銘

古器物銘第八

父丙彝銘

右父丙彝銘舊藏祖擇之舍人家後歸故人王偁唯蓋存已破闕此周器也而猶稱父丙者當是周初接商時器

宋君夫人鼎銘

右宋君夫人鼎銘其文云宋君夫人之餼釘鼎呂氏考古圖云藏祕閣今乃在宗室仲爰家而祕閣所藏自有

宋公絲鼎蓋考古之誤也

古器物銘第九

敦銘

右敦銘藏宗室仲爰家銘文凡二百餘字余所錄諸器銘文字之多無踰此者

宋穆公孫盤銘

右宋穆公孫盤銘元祐間臨淄縣民於齊故城得數器此其一也藏趙元考內翰家驗其文蓋送女器

散季敦銘

右散季敦銘藏長安呂微仲丞相家底蓋皆有銘考古

圖以太初歷推之為武王時器未知是否又云武王時散氏惟有宜生季疑其字者亦何所據哉士大夫於考正前代遺事其失常在於好奇故使學者難信孔子曰君子於其所不知蓋闕如也

古器物銘第十

井伯敦銘

右井伯敦銘云惟六月既生霸戊戌旦王格于大室師某父即位井伯右內史冊命錫赤芾對揚王休用作寶敦其萬年子子孫孫其永寶用古器銘文字難盡通故時有斷續不可次第處今此銘四十餘字所不識者一字而已因并載其語按左氏春秋傳有井伯然古人姓名或有同者未可知也

師下一字不可識

古器物銘第十一

鼎銘

右鼎銘藏蜀人鄧氏銘有去王格大室即立按古器物銘凡言即立或言立中庭皆當讀為位蓋古字假借其說見鄭氏注儀禮秦泰山頌詩刻石猶如此

古器物銘第十二

楚鐘銘

右楚鐘銘藏方城范氏云惟王五十六祀楚王

下一字不可識

章按楚惟惠王在位五十七年又其名為章然則此鐘為惠王作無疑也方是時王室衰弱六國爭雄楚尤强大遂不用周之正朔嗚呼可謂僭矣鐘背又有兩商字一穆字其義未曉案何氏焯云惟稱王僭耳諸侯在國者各自改元不得責其不用正朔也又案顧氏炎武辨之綦詳見金石文字記

中姑匱銘



右中姑匱銘與後兩器皆藏李伯時家初伯時得古方鼎遂以為晉侯賜子產者後得此匱又以為晉襄公母偃姑器殊可笑凡三代以前諸器物出於今者皆可寶何必區區附託書傳所載姓名然後為奇乎此好古者之蔽也

車敦銘

右敦銘其文云作旅車敦莫詳其義

古器物銘第十三

齊侯盤銘



右齊侯盤銘政和丙申歲安邱縣民發地得二器其一此盤其一匱也驗其文蓋齊侯為楚女作

古器物銘第十四

秦漢器

秦權銘

右秦權銘今世人所藏秦權至多銘文悉同余所得

者凡四銘案此銘字衍其二不知所從得其一藏王禹丞相家皆銅權也其一近歲出於濟州以石為之歐陽文忠公集古錄載祕閣校理文同家有二銘其一乃銅鑲上有銘循環刻之不知為何器余嘗考之亦權也按班固漢書律歷志五權之制圜而環之令之內倍好者周旋無端終而復始無窮已也孟康注以謂錘之形如環也然古權亦有與今稱錘相似者蓋形製不一各從其便爾

汾陰侯鼎銘

右汾陰侯鼎銘舊藏劉原父家今歸御府按漢書周昌以高祖六年封汾陰侯至其孫國除

銅釜銘

右銅釜銘云長信賜館陶家按漢書外戚傳竇皇后女嫖封館陶長公主又百官公卿表長信詹事掌皇太后宮景帝中六年更名長信少府張晏注曰以太后所居宮為名也居長信則曰長信少府居長樂則曰長樂少府然則景帝時官名長信則竇太后居是宮無疑銘雖無年月然知其為竇太后賜館陶公主亦無疑也

武安侯器銘

右武安侯家器銘不知所從得按漢書景帝後三年封

田蚡武安侯又楚思王子慢元壽元始中再封武安侯  
案元壽當作建平銘無年月未知果誰所作又按帝紀楚懷王

嘗封高祖為武安侯然驗其刻畫疑非高祖時器

### 周陽家鐘銘

右鐘銘藏歐陽公家其器壺也銘云畔邑家令周陽家  
金鐘容十斗重三十八斤第四十二云

### 上林供官銅鼎銘

右上林供官銅鼎銘不知所從得銘有監工李負芻按  
後漢人絕無二名者此鼎蓋西漢器也

案二字名非也公羊以仲孫何忌為譏二名此文所本也何氏焯云後漢人自有二名但少耳

### 平周金銅鉦銘

右銅鉦銘云平周金銅正

案一作鉦

重十六斤八兩背文云

平定五年受園陰士大夫頗疑前代年號無為平定者

余嘗考之蓋非年號也按西漢書地里志平周平定園

陰三縣皆屬西河郡園陰漢惠帝五年置此鉦先藏平

周後歸園陰復以授平定故再刻銘爾所謂五年當是

景帝以前未有年號時也前世既無平定年號而三縣

皆隸西河故知其如此又漢書地里志園陰王莽改曰

方陰顏師古云園字本作園縣在園水之陰因以為名

王莽改為方陰則是當時已誤為園今有銀州銀水即

是舊名猶存但字變爾其說出於酈道元注水經今按  
茲器漢時所刻乃為園字然則師古何所依據遂以為  
園乎恐亦臆說也

古器物銘第十五

谷口銅甬銘

右谷口銅甬銘舊藏劉原父家一器而再刻銘歐陽公  
集錄金石遺文自三代以來法書皆備獨無西漢文字  
求之累年不獲會原父守長安長安故都多古物奇器  
原父好奇博識皆購求藏去案去與  
弄同最後得斯器及行  
鐙博山香鼎模其銘文以遺歐陽公於是西漢之書始


傳於世矣蓋收藏古物實始於原父而集錄前代遺文  
亦自文忠公發之後來學者稍稍知搜抉奇古皆二公  
之力也

律管銘

右律管銘藏晁元咎學士家云始建國元年正月癸酉  
朔日制按晉書律歷志律古以竹或玉為之至平帝時  
王莽始易以銅又漢書莽以十二月朔癸酉為建國元  
年正月之朔二說皆合也

金石錄卷第十二

金石錄卷第十三



金石錄卷第十三

跋尾三

三代 秦 漢

安州所獻六器銘

齊鐘銘

家藏古器物銘上

家藏古器物銘下

石本古器物銘

吉日癸巳字

石鼓文

父乙彝銘  
戰銘  
孟姜盥匜銘  
廩邾宮鐘銘

爵銘

田鼎銘

秦詛楚文

玉璽文

秦泰山刻石

秦琅邪臺刻石

秦之采山刻石

秦嶧山刻石

安州所獻六器銘

右六器銘重和戊戌歲安州孝感縣民耕地得之自言於州州以獻諸朝凡方鼎三圓鼎二甌一皆形製精妙款識奇古按此銘文多者至百餘字其義頗難通又稱作父乙父已寶彝若非商末即周初器也

齊鐘銘

右齊鐘銘宣和五年青州臨淄縣民於齊故城耕地得古器物數十種其間鐘十枚有款識尤奇最多者幾五百字今世所見鐘鼎銘文之多未有踰此者驗其詞有餘一人及齊侯字蓋周天子所以命錫齊侯齊侯自紀其功勳者初鐘既出州以獻於朝又命工圖其形製及臨倣此銘刻石既非善工而字有漫滅處皆以意增損之以此頗失真今余所藏乃就鐘工摹拓者最得其真也



金石錄 卷十三  
家藏古器物銘上

父乙彝銘

右父乙彝銘其器鼎也而謂之彝者按說文彝宗廟常器然以古器款識考之商以前凡器通謂之彝至周以後有六彝之名於是直以盛鬱鬯之尊為彝其名與諸器始分矣此鼎蓋商器云

爵銘

右爵銘大觀中濰之昌樂丹水岸圮得此爵及一觚按考工記爵一升觚三升獻以爵而酬以觚一獻而三酬則一豆矣鄭氏云豆當讀為斗而漢儒皆以為爵一升觚二升今

此二器同出以觚量之適容三爵與考工記合以此知古器不獨為翫好又可以決經義之疑也

戟銘

右戟銘其器得於青之益都傍枝為鉤形製作甚工與今世人家所藏古戈戟形製不同按揚雄方言戟其曲者謂之鉤子鐔胡案今方言鉤子作鉤釘郭璞注曰即今雞鳴句子戟也春秋左氏傳欒樂車乘槐本而覆或以戟鉤之呂氏春秋晏子與崔杼盟直兵造匈匈兵鉤頸高誘注曰匈戟也賈誼過秦論云鉤戟長鍛此戟蓋古所謂鉤戟也

家藏古器物銘下

孟姜盥匱銘

右孟姜盥匱銘余所錄古器款識有叔匱銘匱字作匱後又得伯公父匱銘字作盥今此銘作鑑蓋古書不必同文然三字意義皆通

田鼎銘

右田鼎銘云自作田鼎疑田獵所用也

漢廩邱宮鐙銘

右漢廩邱宮鐙銘得於澶淵云廩邱宮銅鐙重二十斤八兩甘露三年工郭從都史李定造蓋宣帝時物也所

謂廩邱宮者不見於史蓋秦漢離宮別館所在有之故史家不能盡記廩邱在漢屬東郡

石本古器物銘

右石本古器物銘余既集錄公私所藏三代秦漢諸器款識畧盡乃除去重復取其刻畫完好者得三百餘銘皆模刻於石又取墨本聯為四大軸附入錄中近世士大夫間有以古器銘入石者然往往十得一二不若余所有之富也

吉日癸巳字

右吉日癸巳字世傳周穆王書按穆王時所用皆古文

科斗書此字筆畫反類小篆又穆天子傳史記諸書皆不載以此疑其非是姑錄之以待識者

石鼓文

右石鼓文世傳周宣王刻石史籀書歐陽文忠公以謂今世所有漢桓靈時碑往往而在距今未及千載大書深刻而摩滅者十猶八九自宣王時至今實千有九百餘年鼓文細而刻淺理豈得存以此爲可疑余觀秦以前碑刻如此鼓文及詛楚文泰山秦篆皆麤石如今世以爲確白者石性既堅頑難壞又不堪他用故能存至今漢以後碑碣石雖精好然亦易剝缺又往往爲人取作柱礎之類蓋古人用意深遠事事有理類如此況此文字畫奇古決非周以後人所能到文忠公亦以謂非史籀不能作此論是也

秦詛楚文

右秦詛楚文余所藏凡有三本其一祀巫咸舊在鳳翔府解今歸御府此本是也其一祀大沈久湫藏於南京蔡氏其一祀亞駝藏於洛陽劉氏秦以前遺蹟見於今者絕少此文皆出於近世而刻畫完好文詞字札奇古可喜元祐間張芸叟侍郎黃魯直學士皆以今文訓釋之然小有異同今盡錄二家所釋於左方俾覽者詳焉

玉璽文

右玉璽文元符中咸陽所獲傳國璽也初至京師執政以示故將作監李誠誠手自摹印之凡二本以其一見

遺焉

案李誠別本作李誠

秦泰山刻石

右秦泰山刻石大中祥符歲真宗皇帝東封此山兗州太守模本以獻凡四十餘字其後宋莒公模刻于石歐陽公載於集古錄者皆同蓋碑石為四面其三面稍摩滅故不傳世所見者特二世詔書數十字而已大觀間汶陽劉跂斯立親至泰山絕頂見碑四面有字乃模以

歸文雖殘缺然首尾完具不可識者無幾於是秦篆完

本復傳世間矣以史記本紀考之頗多異同史云親巡

遠方黎民而碑作親輶遠黎史云大義休明而碑著作

明史云垂于後世而碑作陞于後嗣史云皇帝躬聖而

碑作躬聽史云男女禮順而碑作體順史云施于後嗣

而碑作昆嗣史云具刻詔書刻石而碑作金石刻皆足

以正史氏之誤然則斯碑之可貴者豈特翫其字畫而

已哉碑既出斯立模其文刻石自為後序謂之泰山秦

篆譜云

案金石文字記云今所存惟臣斯臣去疾御史夫臣昧死言臣請具刻詔書金石刻因明白矣

臣昧死請二十九字在嶽頂碧霞元君之東廡

秦琅邪臺刻石

右秦琅邪臺刻石在今密州其頌詩亡矣獨從臣姓名及二世詔書尚存然亦殘缺熙寧中蘇翰林守密令盧江文勛模榻刻石卽此碑也從臣姓名五大夫作夫夫泰山秦篆亦如此或以謂古大與夫同爲一字恐不然余家所藏古器款識有周大夫始鼎及秦權銘黔首大安皆用大字蓋古人簡質凡字點畫相近及音同者多假借用之別無它義東漢時碑刻尚多如此

秦之朶山刻石

古秦之朶山刻石按史記本紀始皇二十九年登之朶山凡刻兩碑今皆摩滅獨二世詔二十餘字僅存後人鑿石取置郡解歐陽公集古錄以爲非真又云麻溫故學士於登州海上得片木有此文豈杜甫所謂棗木傳刻肥失真者耶此論非是蓋杜甫指嶧山碑非此文明矣之朶在秦屬東萊今屬登州

秦嶧山刻石

右秦嶧山刻石者

案別本作昔

鄭文寶得其摹本於徐鉉刻

石置之長安此本是也唐封演聞見記載此碑云後魏大武帝登山使人排倒之然而歷代摹拓之以爲楷則邑人疲於供命聚薪其下因野火焚之由是殘缺不堪

金石錄卷第十三  
摹寫然猶求者不已有縣宰取舊文勒於石碑之上置之縣解今人間有嶧山碑者皆是新刻之本而杜甫詩直以為棗木傳刻者豈又有別本歟按史記本紀二十八年始皇東行郡縣上鄒嶧山立石與魯諸儒生議刻石頌秦德而其頌詩不載其他始皇登山凡六刻石史記皆具載其詞而獨遺此文何哉然其文詞簡古非秦人不能為也秦時文字見於今者少此雖傳摹之餘然亦自可貴云

金石錄卷第十三

金石錄卷第十四

跋尾四

漢

漢陽朔博字

漢居攝墳壇刻石二

漢巴官鐵量銘

漢會稽東部都尉路君闕銘

漢南武陽功曹闕銘

漢王稚子闕銘

漢謁者景君表

漢謁者景君碑陰

漢郊令景君闕銘

漢麟鳳贊并記

漢國三老袁君碑

漢西嶽石闕銘

漢張平子碑

漢張平子殘碑

漢北海相景君碑

漢北海相景君碑陰

漢敦煌長史武班碑

漢武氏石闕銘

漢費亭侯曹騰碑

漢司隸楊厥開石門頌

漢吳郡丞武開明碑

漢祝長嚴訢碑

漢從事武梁碑

漢平都侯相蔣君碑

漢陽朔博字

右漢陽朔博字云尉府壺壁陽朔四年正朔始造設已所行字畫奇古西漢文字世不多有此字完好可喜然

所謂尉府壺壁又云已所行者莫曉其為何等語

漢居攝墳壇刻石二

右居攝墳壇刻石二其一云上谷府卿墳壇其一云祝其縣卿墳壇案謝本無縣字此疑衍皆居攝二年三月造上谷郡名祝其縣名不知所謂府卿與縣卿為何官蓋自王莽居攝官名日易故史家不能盡紀也其曰墳壇者古未有土木像故為壇以祀之兩漢時皆如此

漢巴官鐵量銘

此盆色類丹砂魯直石刻云其一曰秦刀巴官三百五十戊永

平七年弟二十七酉余紹興庚午歲親見之今在巫山縣治韓暉仲云案魯直誤以斤為戊趙氏作三百五斤疑脫一十字

右漢巴官鐵量銘云巴官永平七年三百五斤弟二十七前代以永平紀年者凡五漢明帝晉惠帝後魏宣武李密偽蜀王建惟明帝至十八年其他皆無及七年者以此知為明帝時物也此銘玉無競見遺

漢會稽東部都尉路君闕銘

右漢路君闕銘二其一云會稽東部都尉路君闕永平八年四月十四日庚申造其一云故豫州刺史溫令元城令公車司馬令開陽令謁者議郎徵試博士路君不知為何人按漢書志建武六年省諸郡都尉唯邊郡往往有之豈會稽邊海故置此官歟又任延嘗為會稽西



部都尉而此云東部疑當時會稽分東西部各置都尉  
史不載爾  
案何氏焯云前書地理志會稽但有西部南  
部都尉東部以東都所置其見於史者惟張  
耳

漢南武陽功曹闕銘

右漢南武陽功曹墓闕銘云南武陽功曹鄉嗇夫又云  
以為國三老又云章和元年其它族系名字皆摩滅不  
可考究墓在今沂州有兩闕其一元和中立文字尤殘

闕難讀案其一下別  
本有銘字

漢王稚子闕銘

右漢王稚子闕銘二其一云漢故先案一  
作光靈侍御史河

內縣令王君稚子闕其一云漢故兗州刺史洛陽令王  
君稚子之闕按范曄後漢書循吏傳王渙字稚子嘗為  
溫令而刻石為河內令者蓋史之誤渙以元興元年卒  
然則闕銘蓋和帝時所立也

漢謁者景君表

右漢謁者景君表其額題漢故謁者景君墓表而其文  
云惟元初元年五月丁卯故謁者任城景君卒其他文  
字摩滅時有可讀處皆斷續不復成文矣元初安帝時  
年號也此在漢時石刻中殘缺為甚特以安帝以前碑  
碣存者無幾不可棄也故錄之

漢謁者景君碑陰

右漢謁者景君碑陰其前題云諸生服義者又云義士北海劇張敏字公輔弟子濟北荏平甯尊字伯尊凡十五人皆完好可讀云

漢郟令景君闕銘

右漢郟令景君闕銘云維元初四年三月丙戌郟令景君卒又云君存時恬然無欲樂道安貧信而好古非法不言治歐陽尚書傳祖父河南尹父步兵校尉業門徒上錄三千餘人又云三司聘請流化下邳又云司空太常博士竝舉高經君為其元假涂郟城姦邪洗心又云被病喪身歸於幽冥門人服義百有餘人按漢人為景君刻銘本欲傳於不朽而不著其族系名字何哉

漢麟鳳贊并記

右漢麟鳳贊其上刻麟鳳像各為贊附於下又別有記云永建元年秋七月七字筆畫類十字蓋石本殘缺難辨秋無十月當讀為七也案婁機漢隸字源云孔廟置率史碑元嘉三年三月二十日表君碑有十國之謀十字義皆作七山陽太守

河內孫君新刻瑞像麟鳳最後有銘銘凡五句句九字

按漢史安帝時頗有鳳凰麒麟之瑞而順帝永建中則

無之不知孫君刻此碑何謂也案顧氏藹吉云其小篆

時山陽太守河內孫君見碑不合禮掾夔造新刻瑞儀麟鳳此文為詳故錄之

漢國三老袁君碑

右漢國三老袁君碑按元和姓纂云袁幹封貴鄉侯始居陳郡爲著姓八代孫良生昌璋昌生安璋生滂爲司徒唐書宰相世系表云袁生元孫幹封貴鄉侯八世孫良二子昌璋昌成武令生安璋生滂以此碑及後漢書攷之姓纂與唐表殊爲疎謬袁安列傳云安祖父良平帝時舉明經爲太子舍人建武中至成武令今據此碑良以永建六年卒相距蓋百餘年以此知非一人無疑又安以永元四年薨良之卒乃在其後三十九年以此知非安之祖亦無疑也蓋安汝南汝陽人滂乃陳郡扶

樂人其鄉里族系亦自不同而安與滂相去歲月甚遠不得爲從父兄弟明矣豈二人之祖其名偶同遂爾差謬邪又此碑與李利涉編古命氏皆云良幹五世孫而姓纂唐史皆以爲八代孫碑云幹袁生之曾孫而唐史以爲元孫諸書皆云幹以討公孫勇功封爲貴鄉侯而碑獨作公先勇又云封關內侯食遺鄉六百戶者皆莫可考安列傳稱祖良爲成武令而唐史謂昌爲此官者疑唐史之誤也又酈道元水經注扶溝城北有袁梁碑云梁陳國扶樂人事與碑合惟水經誤以良爲梁爾袁氏自漢以來世爲著姓安與滂皆一時顯人而諸書於

其族系錯謬如此以此知典籍所載其失可勝道哉

漢西嶽石闕銘

右漢西嶽石闕銘云永和元年五月癸丑朔六日戊午  
弘農太守常山元氏張勳為西嶽華山作石闕高二丈  
二尺其後為韻語文詞頗怪又字多假借時有難曉處  
永和漢順帝晉穆帝姚泓皆有此號穆帝時華陰不屬  
晉以此碑字畫驗之恐非姚泓時蓋漢刻也又按晉書  
載記姚興與泓傳本朝宋莒公紀年通譜皆云泓以義  
熙十二年即偽位改元永和獨帝紀作十一年未知孰  
是因考永和年號并記之

案通鑑考異云晉本紀三十  
國晉春秋皆云義熙十一年

二月姚興卒魏本紀北史本紀皆云十二年案後魏書  
崔鴻傳太祖天興二年姚興改號鴻以為元年故晉本  
紀三十國春秋  
皆由鴻而誤

漢張平子碑

右漢張平子碑按漢書列傳云平子永元中舉孝廉連  
辟公府不就安帝雅聞衡善術學公車特徵拜郎中而  
碑乃云舉孝廉為尚書侍郎傳云再遷為太史令而碑  
乃一遷碑云遷公車司馬令遂相河間而傳不載其為  
公車司馬令傳云在河間三年上書乞骸骨徵拜尚書  
乃卒而碑不載其為尚書此數事皆當以碑為據惟傳  
云順帝初再徵為太史令其事見平子所為應間可信

不疑而碑無之豈平子初嘗罷免後復拜此官而碑不  
書歟

漢張平子殘碑

右漢張平子殘碑政和中亡友劉斯立以此本見寄云  
其石新得於南陽凡七十有二字今世所傳平子碑有  
兩本其一亡其首其一亡其尾以二本相補其文乃足  
此碑蓋後段之亡失者也字畫尤完好云

漢北海相景君碑

右漢北海相景君碑在濟州任城縣景氏在漢世爲任  
城人今有三碑尚存余皆得之此碑最完

漢北海相景君碑陰

右漢景君碑陰按後漢書百官志注河南尹官屬有循  
行一百三十人而晉書職官志州縣吏皆有循行今此  
碑陰載故吏都昌台邱暹而下十九人皆作脩行他漢  
及晉碑數有之亦與此碑陰所書同豈循脩字畫相類  
遂致訛謬邪碑陰又有故午營陵是遷等六人名姓莫  
知其爲何官又台邱不見於姓氏書惟見於此者兩人  
云

漢敦煌長史武班碑

右漢敦煌長史武班碑歐陽公集古錄云漢班碑者蓋

其字畫殘滅不復成文其氏族官閥卒葬皆不可見其可見者君諱班爾今以余家所藏本考之文字雖漫滅然猶歷歷可辨其額題云漢故敦煌長史武君之碑知其姓武而官爲敦煌長史也碑云君諱班字宣張昔殷王武丁克伐鬼方元功章炳勲藏王府官族析分因以爲氏知其名字與氏族所出也又云永嘉元年卒知其卒之年月也

漢武氏石闕銘

右漢武氏石闕銘云建和元年太歲在丁亥三月庚戌朔四日癸丑孝子武始公弟綏宗景興開明使石工

孟季季弟卯造此闕直錢十五萬孫宗作師子直四萬開明子宣張仕濟陰年二十五曹府君察舉孝廉除敦煌長史被病云歿苗秀不遂嗚呼哀哉士女痛傷武氏有數墓在任城開明者仕爲吳郡府丞綏宗名梁仕爲郡從事宣張名班皆自有碑

漢費亭侯曹騰碑

右漢費亭侯曹騰碑云維建和元年七月二十二日己巳皇太后曰其遣費亭侯之國爲漢輔藩而歐陽公集古錄乃言皇后若曰其遣費亭侯之國誤也按後漢書建和元年桓帝卽位梁太后臨朝稱制蓋此碑所載遣

騰之國詔書乃梁太后非桓帝也東漢自安順以來闡  
 豎尊寵用事往往封侯貴顯其後騰之孫操及其曾孫  
 不再世數十年憑藉勢力卒移漢祚而有之以此觀之  
 闡豎用事之禍可勝言哉

漢司隸楊厥開石門頌

右漢司隸楊厥開石門頌余嘗讀范曄後漢書鄧騭傳  
 有云時遭元二之災人士荒饑章懷太子注以謂元二  
 卽元元也古書字當再讀者卽於上字下為小二字後  
 人不曉遂讀為元二或同之陽九或附之百六良由不  
 悟致斯乖舛今岐州石鼓銘凡重言者皆為二字明驗

也其說甚辨學者信之今此碑有曰中遭元二西戎虐  
 殘橋梁斷絕若讀為元元則為不成文理疑當時自有

此語漢書注未必然也

案隸釋云碑云司隸校尉楊君厥字  
 孟文水經及歐趙皆謂之楊厥碑蜀

中晚出楊淮碑云司隸校尉楊君厥諱淮字伯邳大司隸孟文  
 之元孫也始知兩碑皆以厥為語助華陽國志云楊渙字孟文

漢吳郡丞武開明碑

右漢吳郡丞武開明碑云君字開明而其名已殘缺又  
 云永和二年舉孝廉除郎謁者漢安二年遷大長秋丞  
 長樂太僕丞永嘉元年喪母去官復拜郎中除吳郡府  
 丞壽五十七建和二年十一月十六日遭疾卒其可見  
 者如此其他摩滅不能盡讀按後漢書志大長秋丞一

人秩六百石本注宦者又長樂少府位在長秋上及職  
吏皆宦者又有太僕二千石在少府上丞六百石案後書不

見有太僕丞據志所載中宮及長樂宮官屬皆以宦者為之

而以史傳及漢魏石刻參考如大長秋少府之類皆雜

用士人今武君以孝廉為郎謁者郎中吳郡府丞皆非

宦者之職然則兩宮官屬蓋亦雜用士人也

漢祝長嚴訢碑

右漢祝長嚴訢碑政和中下邳縣民耕地得之碑云惟

漢中興卯金休烈和平元年歲治東宮星屬角房月建

朱鳥中呂之均萬物慈射華澤青葱跂行蠕動咸守厥

常人物同受獨遭災霜顛實徂落壽不寬弘經設三命

君獲其央年六十九又云伊欺嚴君案謝本作伊欺非

成王諱訢字少通兆自楚莊祖考相承昭命道術案昭

招治嚴氏春秋馮君章句又云幼為郡掾史會稽諸暨

尉烏程毗陵餘暨章安山陰長以病去官後為丹楊陵

陽丞案晉志丹楊縣下云丹楊山多赤柳故守春穀長

舉孝廉遷東牟侯相下邳祝長與牧十城所在若神其

後有銘銘為五言頗殘缺難讀云案漢無祝縣祝字下

屬東海東海有祝其縣疑此邑亦嘗割隸但後志失載耳

漢從事武梁碑



右漢從事武梁碑云故從事武掾掾諱梁案隸釋不字重出掾字綏宗掾體德忠孝岐嶷有異治韓詩闕幘傳講案幘謝本作幘兼通河洛諸子傳記又云州郡請召辭疾不就安衡門之陋樂朝聞之義又云年七十四元嘉元年季夏三日遭疾隕靈其後有銘云懿德元通幽呂明兮隱居靖處休曜章兮樂道忽榮垂蘭芳兮身歿名存傳無疆兮其他刻畫皆完可讀文多不盡錄碑在濟之任城余崇寧初嘗得此碑愛其完好後十餘年再得此本則缺其最後四字矣

漢平都侯相蔣君碑

右漢平都侯相蔣君碑文字殘缺其名字官闕皆不可考惟其額題漢故平都侯相蔣君之碑而碑云年六十有五元嘉二年三月甲子卒爾有劉季孫景文者知名士與余先公有舊家藏金石刻千餘卷既沒其子不能保為一武人購得之其後余故人王偁定觀復得數百卷其中漢碑數本余所未有者悉以見贈此其一也



金石錄卷第十四

金石錄卷第十五

跋尾五

漢

漢孔子廟置卒史碑

漢東海相桓君海廟碑

漢孔君碣

漢韓明府孔子廟碑

漢吉成侯州輔碑

漢州輔碑陰

漢州輔墓石獸膊字

漢郎中鄭君碑

漢丹楊太守郭旻碑

漢議郎元賓碑

漢孫叔敖碑陰

漢封邱令王元賞碑

漢王元賞碑陰

漢冀州刺史王純碑

漢王純碑陰

漢倉頡廟人名

漢成臯令任伯嗣碑

漢任伯嗣碑陰

漢平輿令薛君碑

漢泰山都尉孔宙碑

漢孔宙碑陰

漢西嶽華山廟碑

漢老子銘

漢荊州刺史度尚碑

漢孔子廟置卒史碑

右漢孔子廟置卒史碑其前有司徒吳雄司空趙戒奏

章歐陽文忠公具載於集古錄其後又有魯相奏記司

徒司空府文字尤爲完好云永興元年六月甲辰朔十八日辛酉魯相平行長史事下守長擅叩頭死罪敢言之司空府壬寅詔書爲孔子廟置百石卒史一人掌主禮器選年四十以上經通一藝雜試能奉弘先聖之禮爲宗所歸者平叩頭死罪死罪謹按文書守文學掾魯孔鮒師孔憲戶曹史孔覽等雜試鮒修春秋嚴氏經通高第事親至孝能奉先聖之禮爲宗所歸除鮒補名狀如牒平皇恐叩頭死罪死罪上司空府其詞彬彬可喜故備錄之且以見漢時郡國奏記公府其體如此也按華陽國志後漢書注皆云趙戒字志伯而此碑乃作意伯疑其避桓帝諱故改焉

漢東海相桓君海廟碑

右漢東海相桓君海廟碑云惟永壽元年春正月有漢東海相桓君又云熹平元年夏四月東海相山陽滿君其餘文字完者尚多大略記修飭祠宇事而其銘詩有云浩浩倉海百川之宗知其爲海廟碑也桓君與滿君皆不著其名莫知其爲何人碑在今海州

漢孔君碣

右漢孔君碣在孔子墓林中其額題孔君之墓文已殘闕其前云元年乙未而元年上闕二字按東漢自建武

以後惟桓帝永壽元年歲次乙未其他有三乙未皆非  
元年然則此碣所闕二字當為永壽也

漢韓明府孔子廟碑

右漢韓明府孔子廟碑其略云君造立禮器樂之音符

鐘磬瑟鼓雷洗觴觚爵鹿祖桓籩柝禁壹

案壹當作豈仲句切謝本

訛喜別本改作壺皆非是

修飭宅廟更造一輿所謂鹿者禮圖不載

莫知為何器又據字書柝木皮可為索壹陳樂也亦非

器名皆不可曉故并著其語以俟知者

余後見汶陽陳氏所藏古彝為

伏鹿之形近歲青州獲一器亦全為鹿形疑所謂鹿者因其形而名之耳案錢氏穀鈔本記其上云射禮有鹿中高一尺五寸為鹿形背設圈箒以納筭籌射畢以釋之器也又有乏如屏風所以為獲者御矢恐即柝也其

有木旁正猶俎豆之為俎桓也

漢吉成侯州輔碑

右漢吉成侯州輔碑名字已殘闕其題額云漢故中常

侍長樂太僕吉成侯州君之銘輔名姓見范曄後漢書

宦者傳以定策立桓帝與曹騰等七人同時封為亭侯

今此碑載當時詔書有云其封輔為吉成侯以此知其

名輔而酈道元注水經云犍縣滢水南有漢中常侍長

樂太僕吉成侯州苞冢冢前有碑其詞云六帝四后是

諮是詎今驗其銘文實有此語獨以輔為苞蓋水經之

誤當取漢史及此碑為正

漢州輔碑陰

右漢州輔碑陰京兆尹延篤叔堅而下題名者凡四十餘人自東漢以後一時名卿賢大夫死而立碑則門生故吏往往寓名其陰蓋欲附託以傳不朽爾今輔一宦者而碑陰列名者數十人雖當代顯人如延叔堅亦預焉有以見權勢之盛如此雖然區區挂名於此者亦可恥也夫

漢州輔墓石獸膊字

右漢州輔墓石獸膊字酈道元注水經云州君墓有兩石獸已淪沒人有掘出一獸猶不全破甚高壯頭去地

丈許製作甚工右膊上刻作辟邪字余初得州君墓碑又覽水經所載意此字猶存會故人董之明守官汝潁閒因託訪求之逾年特以見寄其一辟邪道元所見也其一乃天祿字差大皆完好可喜之明又云天祿近歲爲邨民所毀辟邪雖存然字畫已殘闕難辨此蓋十年前邑人所藏今不可復得矣

漢郎中鄭君碑

右漢郎中鄭君碑賈誼過秦論云九國之師遁巡而不敢進顏師古曰遁音千旬反流俗書本巡字誤作逃讀者因之而爲遁逃之意潘岳西征賦云遁逃以奔竄斯

亦誤矣今此碑有云推賢達善遠遁退讓詳其文義亦是遠巡之意案謝本義意二字互易然二字決非一音蓋古人用字與後世頗異又多假借故時有難曉處不知顏氏何所據遂音遁為遠乎

漢丹楊太守郭旻碑

右漢丹楊太守郭旻碑云君諱旻字巨公有周之裔也又云治律小杜幼仕州郡舉孝廉除郎中謁者遷敬陵園令廷尉左平治書侍御史獄刑無頗憲臺如砥以父憂去官還拜郎中侍御史遭母憂服除復拜郎中治書侍御史遷冀州刺史徵拜尚書是時淮夷蠢迪案迪疑當作連

字帝疇官綏策書褒屢俾守丹楊為政四年以公事去

官年過耳順寢疾殫頽延熹元年十月戊戌卒其十二月丙申葬微言絕矣諸子曷仰三載禮闋乃羣相與刻石勒銘最後去昔君即世雖立碑頌裁足載字加有瑕下闕君之弟故太尉薨歸葬舊陵於是從子故五原太守鴻議郎某案此某字錢鈔及嗣孫某名殘及嗣孫某案此某字錢鈔及嗣孫某名殘乃更刻石不改舊文蓋用昭明祖勳焉郭氏為陽翟著姓自躬以來世以通法律顯名此碑所謂太尉公者禮也

漢議郎元賓碑

右漢議郎元賓碑在今亳州姓名已殘闕所可見者云  
字元賓魯相之孫又云舉孝廉除倉龍司馬衛尉察尤  
異遷吳令視事二稔民用寧康州辟從事公車徵拜議  
郎年四十八延熹二年二月卒使者臨弔賻贈特加其  
餘文字完好者尚多惜其名氏皆亡也

漢孫叔敖碑陰

右漢孫叔敖碑陰云延熹二年

案金石文字記云三年與目錄正同此二年誤

書也中夏之節政在封表期思長光視事一紀訪問國中  
耆年素聞孫君楚時良輔又云博采遺苗曾元孫子考  
龜吉辰五月癸卯宜以存廢可立碑祀招請諸孫都會

國右郭西道北處所顯好興上宰祭倡優鼓舞又云相

君有三嗣長子卽封食邑固始少子在江陵中子居三

下一字

又云相君卒後十有餘世有勃海太守其後歷

敘子孫名字甚詳而文字斷續不可次第按期思長光

碑陰不載姓氏叔敖碑雖有之然已殘闕矣

案碑云先有固始令

段君立石銘碑期思縣宰段光又爲刻石則姓氏尚可考

漢時令長有在官一紀不

遷者乃知前世官吏重於移易如此不惟吏民免送迎

之擾而士人亦皆安於其職無僥倖苟進之心與後世

異矣

漢封邱令王元賞碑



右漢封邱令王君碑其姓名已殘闕所可見者字元賞而已云察舉孝廉郎謁者考工苑陵葉封邱令而銘文亦有撫臨三國之語歐陽公集古錄云為苑陵丞者蓋誤以葉字為丞爾

案隸續云歐趙皆以為王元賞予所得者却是元賓字畫分明非是測度其名仿佛是紹

漢王元賞碑陰

右漢王元賞碑陰載門生姓名有云右奔喪右斬杖三年予嘗謂聖人之制禮為可繼也無過與不及之弊務合於中庸而已禮曰事師無犯無隱服勤至死心喪三年孔子之喪門人疑所服子貢曰昔者夫子之喪顏淵若喪子而無服喪子路亦然請喪夫子若喪父而無服彼漢人為王君乃為斬衰之服於禮無乃過乎

漢冀州刺史王純碑

右漢冀州刺史王純碑延熹四年立桑欽水經云濟水北逕須句城西酈道元注濟水西有安民山山西有漢冀州刺史王紛碑漢中平四年立按地里書須胸即今中都縣此碑在中都又其官與姓氏皆合疑其是也然以純為紛以延熹為中平則疑水經之誤

案顧氏藹吉云案碑文王君以延熹四年卒五年始葬立碑此以為四年立亦非也

漢王純碑陰

金石錄 卷十五  
右漢王純碑陰其前題門生人名自東平馮定伯而下文字完好可識者百九十餘人摩滅不可識者又九十餘人字畫淳勁可喜其後題義士名云各發聖心共出義錢埤碑石直刊紀姓名埤當讀為裨助之裨漢時墓碑多其門生故吏所立往往各紀姓名於碑陰或載所出錢數其非門生故吏而出錢者謂之義士今漢人為王君出錢造碑而云各發聖心可謂陋矣

漢倉頡廟人名

右漢倉頡廟人名歐陽公集古錄云此碑有蓮勺左鄉有秩池陽左鄉有秩池陽集水有秩皆不知是何名號又有夏陽侯長殺裊侯長則是縣吏之名其字畫不甚精又無事實可考姑疑其名號以俟知者爾按前漢書張敞以鄉有秩補太守卒史後漢書百官志鄉置有秩三老游徼本注曰有秩郡所署秩百石掌一鄉人注引漢官曰鄉戶五千則置有秩風俗通曰秩則田閒大夫言其官裁有秩爾然則有秩蓋亦鄉吏名也

漢成臯令任伯嗣碑

右漢成臯令任伯嗣碑其首已殘闕其可見者云字伯嗣南郡編人也其先蓋任座之苗胄又云舉孝廉除郎中蜀郡府丞江州令以服去官為筑陽侯相延熹五年

遷來臨縣其後歷敘政績又云遷君桂陽最後云都邑  
謠詠甄勒勳績永昭於後碑在今汜水縣汜水在漢為  
成臯此碑蓋成臯令德政頌爾後漢書桓帝紀延熹八  
年有桂陽太守任諱以此碑校之歲月相符又名與字  
協知其名諱也

漢任伯嗣碑陰

右漢任伯嗣碑陰大觀初獲此碑寘於汜水輦運司解  
舍壁間余聞其陰有字因託人諷邑官破壁出之遂得  
此本蓋漢碑有陰者十七八世多棄而不錄爾

漢平輿令薛君碑

右漢平輿令薛君碑文字完好云惟延熹六年春二月  
平輿令薛君卒烏虜哀哉吏民其咨咨君之德乃建碑  
石於墓之側其後有銘三百餘言敘述甚詳惟不載其  
名字世系故莫得而考焉

漢泰山都尉孔宙碑

右漢泰山都尉孔宙碑孔宙北海父也見後漢書融列  
傳又據桓帝紀泰山都尉元壽元年置延熹八年罷宙  
以延熹四年卒蓋卒後四年官遂廢矣案隸釋云宙以

卒碑以次  
年七月立

漢孔宙碑陰

右漢孔宙碑陰門生有鉅鹿廣宗捕巡字升臺按氏族書如姓苑姓纂皆無捕姓獨見於此碑爾

漢西嶽華山廟碑

右漢西嶽華山廟碑其略云孝武皇帝脩封禪之禮巡省五嶽立宮其下宮曰集靈宮殿曰存仙殿門曰望仙門歐陽公集古錄云所謂集靈宮者他書不見唯見於此碑爾余按班固漢書地理志華陰有集靈宮武帝起而酈道元注水經亦云敷水北逕集靈宮引地理志所載其語皆同然則不獨見於此碑矣而所謂存仙殿望仙門者諸書不載


漢老子銘


右漢老子銘舊傳蔡邕文并書蓋杜甫李潮小篆八分歌有曰苦縣光和尚骨立書貴瘦硬方通神世云此碑是也今驗其詞乃邊韶延熹八年作非光和中所立未知甫所見是此碑否而本朝周越書苑遂以爲韶撰文而邕書初無所據碑言孔子學禮時計其年紀聃以二百餘歲聃然老旄之貌也而史記言諡曰聃按古諡法無聃字又碑云孔子以周靈王二十年生今以年表及世家考之孔子以魯襄公二十二年生實靈王二十一年未知孰是史書周太史儋事云孔子死後百二十九

金石錄 卷十五  
年徐廣注曰實一十九年今此碑所書正與史合不知徐廣何所據也

漢荊州刺史度尚碑

右漢度尚碑其首題曰漢故荊州刺史度侯之碑碑云其先出自顓頊與楚同姓熊下闕之後又曰統國法度其下殘闕不可辨按元和姓纂度姓但云古掌度之官因以命氏不言其與楚同姓也又范曄後漢書列傳度尚自右校令擢為荊州刺史破長沙零陵賊以功封右鄉侯遷桂陽太守徵還京師以中郎將破賊胡蘭等復為荊州刺史後為遼東太守卒於官今以碑考之云封右鄉侯遷遼東太守拜中郎將復拜荊州刺史以故秩居蓋未嘗為桂陽太守而曰卒於遼東者皆史之誤余每得前代名臣碑版以校史傳其官閏歲月少有同者以此知石刻為可寶也





金石錄卷第十六

跋尾六

漢

漢車騎將軍馮緄碑

漢魯相晨謁孔子冢文

漢廣漢縣令王君神道

漢金鄉守長侯君碑

漢柳孝廉碑

漢衛尉卿衡方碑

漢沛相楊君碑

漢淳于長夏承碑

漢郎中馬君碑

漢武都太守李翕碑

漢博陵太守孔彪碑

漢成陽靈臺碑

漢廷尉仲定碑

漢故民吳公碑

漢司隸校尉魯峻碑

漢桂陽太守君頌

漢周府君碑陰

漢石經遺字

漢堂谿典嵩高山石闕銘

漢帝堯碑

漢倉頡廟碑

漢序彰長斷碑

漢車騎將軍馮緄碑

右漢車騎將軍馮緄碑以范曄後漢書考之史云字鴻

卿而碑云皇卿史云初舉孝廉七遷至廣漢屬國都尉

拜御史中丞順帝末持節揚州諸軍事與中郎將滕撫

擊破羣賊今據碑自舉孝廉至為廣漢屬國都尉凡十

一遷而為中丞與督使徐揚二州討賊皆在為都尉前  
 碑云討賊時坐迫州縣正法而史不載又云為隴西太  
 守坐問吏辜旬不分去官以羌駭動為四府所表復家  
 拜隴西太守而史但言遷隴西太守爾史云為遼東太  
 守徵拜京兆尹轉司隸校尉遷廷尉太常拜車騎將軍  
 以碑考之緄為遼東太守以前嘗復為治書侍御史遷  
 尚書遂為廷尉未嘗拜京兆尹及司隸也史云振旅還  
 京師監軍使者張敞承宦者旨奏緄會長沙賊復起攻  
 桂陽武陵軍還盜賊復發策免而碑云臨當受封  
 以謠言奏河內太守中常侍左悺弟坐遜位史云復拜

廷尉時山陽太守單遷以罪繫獄緄考致其死遷故車  
 騎將軍超之弟中官相黨遂共誹章誣緄坐輸左校而

碑云表荊州刺史李隗南陽太守成晉晉漢史作璿太原太

守劉瑱不宜以重論坐正法作左校亦皆不合史又云  
 為河南尹時上言舊典中官子弟不得為牧人職帝不

納拜屯騎校尉案別本作屯騎將軍何氏焯從隸釋定作校尉云漢志將軍但有驃騎次車騎

無屯騎也驃騎車騎位次公下亦不當復為廷尉兼本作車騎將軍亦誤復為廷尉卒於官

而碑云復廷尉奏中官子弟不宜典牧州郡獲過左右

遜位永康元年薨亦當以碑為正碑又云緄諡曰桓而

史亦不載予嘗謂石刻當時所書其名字官爵不應差



誤可信無疑至於善惡大節則當以史氏為據今此傳首尾顛倒錯繆如此然則史之所載是非褒貶失其實者多矣果可盡信邪

漢魯相晨謁孔子冢文

右漢魯相晨謁孔子冢文已斷裂闕其上一段其略可見者云建寧元年三月十八日丙申晨又云其四月十一日戊子到官謁孔子冢其他文字雖完皆不可次第魯相晨有兩碑皆在孔子廟中其一碑云臣蒙恩受任符守得在奎婁周孔舊寓又云臣以建寧元年到官其一碑云魯相河南史君諱晨字伯時從越騎校尉拜以

建寧元年四月十一日戊子到官然則斯碑所載名晨者蓋魯相史晨也

漢廣漢縣令王君神道

右漢廣漢縣令王君神道建寧元年十月造縣令字作苓漢人淳質文字相近者多假借用之如縣令字人所用而尚假借何耶案此縣竹令也隸釋云微雜篆體縣字作曰下木略與縣字相混故趙氏誤作廣漢縣令而謂其借苓為令也又此本無年月趙氏誤令劉讓閣道題字為一碑故以為建寧元年十月造

漢金鄉守長侯君碑

右漢金鄉守長侯君碑載其上世云漢興侯公納策濟

太上皇於鴻溝之阨諡曰安國君曾孫輔封明統侯光武中興元孫霸爲臨淮太守擁兵從光武平定天下轉拜執法刺姦五威司命大司徒公封於陵侯歐陽公集古錄云執法左右刺姦五威司命皆王莽時官侯霸列傳云霸莽時爲隨宰遷執法刺姦而未嘗爲五威司命後代伏湛爲大司徒封關內侯旣薨光武下詔追封則鄉侯而此碑言封於陵侯未知孰是據碑言刺姦司命爲光武時官蓋碑之謬余按霸列傳霸薨追封則鄉侯至子昱改封於陵而遂以霸爲於陵侯疑亦碑之誤又按高祖紀侯公說項羽歸太公呂后乃封侯公爲平國君今此碑言安國旣不同而平國君乃生時稱號如婁敬爲奉春君之類碑以爲諡恐亦非是又輔封明統侯漢書功臣表亦不載不知碑何所據也

漢柳孝廉碑

右漢柳孝廉碑云君諱敏其先蓋五行星

下闕一字

二十八

舍柳宿之精也其說亦可謂怪矣自戰國以來聖人不作諸子百家異端怪說紛然而起其弊至東漢而極焉自非豪傑之士卓然不爲流俗所移未有不從而惑者也若此碑直以柳君得姓出於柳宿果何所據哉

漢衛尉卿衡方碑

右漢衛尉卿衡方碑有云感昔人之凱風悼蓼儀之劬勞以蓼莪爲蓼儀他漢碑多如此蓋漢人各以其學名家故所傳時有異同也

漢沛相楊君碑

右漢沛相楊君碑歐陽公集古錄云碑首尾不完失其名字余按楊震碑沛相名統震長子富波侯相牧之子也

漢淳于長夏承碑

右漢淳于長夏承碑云君諱承字仲充東萊府君之孫太尉掾之中子中郎將弟也

案中郎將上隸釋有右字

累葉牧守印

綬典據十有餘人皆德任其位名豐其爵是故寵祿傳於歷世策勳著於王室君鍾其美受性淵懿含和履仁治詩尚書兼覽羣藝靡不尋暢州郡更請屈已匡君爲主簿督郵五官掾功曹上計掾守令冀州從事又云察孝不行太傅胡公歆其德美旌招俯就羔羊在公四府歸高除淳于長又云年五十有六建寧三年六月癸巳淹疾卒官碑在今洛州元祐閒因治河隄得於土壤中建寧靈帝時年號也距今千歲矣而刻畫完好如新余家所藏漢碑二百餘卷獨此碑最完

漢郎中馬君碑

右漢郎中馬君碑文字殘缺所可見者字元海而已案

釋云又云其先賜號馬服因遂氏焉又云以和平元年

舉孝廉除郎中謙虛接下冠名三署案舊作三省葉本從隸釋作署又

云年四十元嘉三年正月卒又云夫人年五十五建寧

三年十二月卒其他不可考究矣

漢武都太守李翕碑漢時文字多與今隸書不合皆依石本錄之

右漢武都太守李翕碑文字首尾完好云漢故武都大

守漢陽阿陽李君諱翕字伯都其後歷敘在郡治蹟云

郡西狹中道危難阻峻緣崖俾閣兩山壁立隆崇造雲

下有不測之谿阨窄促迫財容車騎進不能濟息不得

駐數有顛覆隕隧之害君勅衡官有秩李瑾掾仇審因

常繇道徒案謝本無徒字鏗燒破析刻召崔嵬減高就埤桺致

土石堅固廣大可以夜涉四方無雍行人懽悃民歌德

惠穆如春風乃刊斯石其後有頌詩最後題建寧四年

六月十三日壬寅造云

漢博陵太守孔彪碑案碑彪作彪字

右漢博陵太守孔彪碑歐陽公集古錄云孔君碑者其

名字摩滅不可見而世次官闕粗可考云孔子十九代

孫穎川君之元子也舉孝廉除郎中博昌長拜尚書侍

郎治書侍御史博陵太守遷下邳相河東太守建寧四

年十月卒其終始略可見惟其名字皆亡爲可惜也今此碑雖殘闕而名字尚完可識云君諱彪字元上又韓府君孔子廟碑陰載當時出錢人名亦有尚書侍郎孔彪元上與此書正同惟孔君自博陵再遷爲河東太守而碑額題故博陵太守孔府君碑漢人多如此然莫曉其何謂也

案隸釋云蓋博陵之人相與立碑耳

### 漢成陽靈臺碑

右漢成陽靈臺碑成陽屬今雷澤碑略云堯母慶都仙歿蓋葬於茲欲人不知名曰靈臺歐陽公集古錄以謂自史記地志及水經諸書皆無堯母葬處余按班固西

漢劉昭東漢地里志皆云成陽有堯冢靈臺而東漢志章帝元和二年東巡守將至泰山道使使者奉一太牢祠帝堯於濟陰成陽靈臺與章帝紀所載正同帝紀章懷太子注引郭緣生述征記云成陽縣東南有堯母慶都墓上有祠廟堯母陵俗亦名靈臺文母水經注今成陽城西二里有堯陵陵南一里有堯母慶都陵於城爲西南稱曰靈臺蓋兩漢史所載似以靈臺爲堯冢惟此碑與述征記水經乃直指爲堯母冢爾然水經云在成陽西南而述征記云在東南未知孰是又集古錄云諸書俗本多作城陽獨此碑爲成陽當以碑爲正余嘗考

之成陽縣名屬濟陰郡城陽乃王國名漢文帝二年以  
封齊悼惠王子章者漢志所載各異未嘗差誤也碑有  
廷尉某歐陽公以爲姓名摩滅不可讀今驗其缺處姓  
下隱隱有定字知其名定而其後云濟陰太守審晃成  
陽令管遵各遣大掾輔助仲君知其姓仲氏世爲成  
陽人定有墓在雷澤碑尚存其額題漢故廷尉仲君碑  
有云表祠唐堯爲漢祈福又云爲廷尉卿託病乞歸修  
堯靈臺黃屋三十餘上聽拜太中大夫云  
人云冢正在城已  
南蓋述征記誤也

### 漢廷尉仲定碑

右漢廷尉仲定碑在今濮州雷澤其額題漢故廷尉仲  
君之碑碑載官閥甚詳雖殘闕然尚可次第其略云君  
諱定聖漢龍興家於成陽父張掖廣漢太守以父勳拜  
琅邪太守南陽陰府君察孝不行南郡胡公除濟陰復  
舉孝廉拜尚書左丞除郎中遷彭城呂長徵試博士太  
傅下邳趙公舉君高行遷豫州刺史將軍從事遷符節  
令豫章太守徵議郎拜大尚書遜位復徵拜將軍長史  
遷城門校尉執金吾拜太中大夫遷廷尉卿託病乞歸  
修堯靈臺黃屋三十餘上聽拜太中大夫臺成事訖上  
以君先帝舊臣策令州郡以禮特遣熹平元年孟秋上

旬君遘疾不瘳於是門生養徒故吏鄉黨刊石勒銘樹碑表道焉兩漢遷拜次第史既不能詳載而石刻類皆摩滅難考今此碑所載詳悉故盡著之所謂南郡胡公者廣也太傅下邳趙公者峻也按定漢史無傳惟風俗通元和姓纂具載姓名官爵云

漢故民吳公碑

右漢吳公碑其額題漢故民吳公之碑碑云熹平元年十二月上旬吳公仲山其他刻畫完好如新文辭頗拙陋書亦怪而不甚然漢時石刻存者漸少而此碑特完故錄之以資博覽

漢司隸校尉魯峻碑

右漢司隸校尉魯峻碑云君諱峻字仲嚴酈道元注水經引戴延之西征記曰焦氏山北金鄉山有漢司隸校尉魯恭冢冢前有石祠四壁皆青石隱起自書契以來忠臣孝子貞婦孔子及七十二弟子形像像邊皆刻石記之今墓與石室尚存惟此碑為人輦置任城縣學矣余嘗得石室所刻畫像與延之所記合又其他地里書如方輿志寰宇志之類皆作峻惟水經誤轉寫為恭爾

案顧氏藹吉云水經注所載乃石壁畫象非此碑也

漢桂陽太守周府君頌

右漢桂陽太守周府君頌歐陽公集古錄云府君字君光而名已譌闕不可辨圖經但云周府君而不著其名後漢書又無傳遂不知爲何人而曾子固言嘗得此碑於知韶州王之才之才以書來言曲江縣圖經周府君名昕字君光則永叔云圖經不載其名者蓋考之未詳也今此本雖譌闕然究其點畫殊不類昕字二公所說既不同而韶州圖經余家偶無有皆未可知也當考之

予後見市中印本歐陽公廬陵集別有一跋尾云周君名憬憬字頗近之

### 漢周府君碑陰

右漢周府君碑陰題名凡三十一人姓氏具存按酈道

元注水經灑水南逕曲江縣東縣昔號曲紅曲紅山名也而東西兩漢史皆作曲江今據此碑自縣長區社而下凡十七人皆書爲曲紅則是當時縣名曲紅無可疑者不知兩漢史皆作曲江何也

### 漢石經遺字

右漢石經遺字者藏洛陽及長安人家蓋靈帝熹平四年所立其字則蔡邕小字八分書也其後屢經遷徙故散落不存今所有者才數千字皆土壤埋沒之餘摩滅而僅存者爾按後漢書儒林傳敘云爲古文篆隸三體者非也蓋邕所書乃八分而三體石經乃魏時所建也



又按靈帝紀言詔諸儒正五經文字刻石立於太學門外蔡邕傳乃云奏求正定六經文字既已不同而章懷太子注引洛陽記所載有尚書周易公羊傳論語禮記今余所藏遺字有尚書公羊傳論語又有詩儀禮然則當時所立又不止六經矣洛陽記又云禮記碑上有諫議大夫馬日磾議郎蔡邕等名今論語公羊後亦有堂谿典馬日磾等姓名尚在據邕傳邕以經籍去聖久遠文字多繆俗儒穿鑿疑誤後學乃奏求正定自書於碑於是後儒晚學咸取正焉今石本既已摩滅而歲久轉寫日就譌舛以世所傳經書本校此遺字其不同者已

數百言又篇第亦時有小異使完本具存則其異同可勝數耶然則豈不可惜也哉而後世學者於去古數千百歲之後盡絀前代諸儒之論欲以己之私意悉通其說難矣余既錄爲三卷又取其文字不同者具列於卷末云

漢堂谿典嵩高山石闕銘

右漢堂谿典嵩高山石闕銘云中郎將堂谿典伯并熹平四年來請雨嵩高山廟按後漢書靈帝紀熹平五年復崇高山名爲嵩高山章懷太子注引前漢書武帝祀中嶽改高高爲崇高東觀記曰使中郎將堂谿典請雨因

上言改之復爲嵩高今此銘乃熹平四年可以正漢史之誤又蔡邕傳注引先賢行狀云典字子度而延篤傳注又作季度今此碑乃云字伯并亦當以碑爲正

漢帝堯碑

右漢帝堯碑云帝堯者昔世之聖王也其先出自塊隗翼火之精有神龍首出於常羊又云名紀見乎河雒爰嗣八九慶都與赤龍交而生伊堯又云侯伯遊於元河之上龍龜負銜投鈴受與然後堯乃受命其說出於讖緯可謂怪妄不經矣堯之所以爲聖者豈假此也哉

漢倉頡廟碑

右漢倉頡廟碑文字殘闕其略可辨者有云倉頡天生德於大聖四目靈光爲百王作憲而其銘曰穆穆聖倉知其爲倉頡碑也考其歲月蓋熹平六年立

漢庠彰長斷碑

右漢庠彰長斷碑在華陰已斷裂惟存下一段故其姓名皆亡矣所可見者有云先高祖時以吏二千石自齊臨淄徙充關中祖字興先爲執金吾弟颺漁陽太守又云元初元年遭家不造三歲喪父事母有柴潁之行初仕爲縣主簿功曹郡諸曹史帳下司馬劉君招命署議曹掾假除百石遷補任尉假印綬守廣平下曲陽令庠

金石錄卷第十六  
彰長熹平二年秋七月寢疾不豫最後題熹平六年十月九日辛酉造按史記及漢書本紀高祖九年徙齊楚大族昭屈景懷田五姓關中而其四姓皆楚人自齊徙者惟田氏爾然則此碑所謂高祖時自齊臨淄徙者其人必姓田氏也

按第五氏亦云自齊徙關中然本亦出於田氏也

序彰東西漢

史皆作斥章

金石錄卷第十六

